



受祺堂詩卷之十八

中南山人荆東李因篤子德著

張二又南擢廷尉同諸子畱宿東齋賦

五十一

韻

藉甚張公子新除漢列卿釋之今要路安世久賢
聲誼著趨朝亟勳兼賜第榮衆方推爵里吾獨愛
才名芍藥當年賦驂騑絕足行爲儒端始服歷試
冠諸生卓立丰姿好雄談老宿驚橋門纔振鷺嶽
樹已遷鶯會邁滇南檄初勤冀北兵是時多負險
相望少居貞楚蜀遙通燧關涼復抗旌倒戈真瞬



息流矢鬱縱橫玉塞孤存壘蘭河誓請纓摩霄開
 百雉隻手掣羣鯨况阻傳陞陌難知轉餉程量沙
 翻飽士瀝膽得堅盟慮動遲該速週防紕制盈寧
 惟全陝賴實與大江衡入侍來畿輦聯翩有弟兄
 鼎鐘將載績金石此披誠憶別邊雲壯愁驅暑騎
 輕數行頻及野雙屐偶瞻京遂下高齋榻還同夙
 好觥吟慚珠照乘時紫庭伯佐
皆有長律座對壁連城謂初
博
 帙散偏畱雨筵開却劇晴微颺先畫燭暮靄接香
 蘅剪草銷雄氣賡歌爽宿醒時又南和
諸子詩牕陰虛拂
 檻徑露碧沾楹務簡尊家學能寬秉國平白華稱

具美朱紱簡維楨但覺琴書在渾忘劍舄更幽期
 從退食古道洽嚶鳴自惜顛毛易頻嗟邸緒縈窮
 途迷邁往着處滯遺氓敝絮時侵葛殘杯亦代羹
 幾人餘泛愛羈旅荷深情出必詢車馬歡如鼓瑟
 笙土風調著適秋節授衣成執友朝來過醇醪夕
 共傾經旬添膾鯉綴席有藏橙頗薦高欄肅端宜
 片月清狂夫安坐歎熱客寡逢迎興託滄洲遠圖
 褰墨蹟精曠懷臨邃谷消渴比金莖絕徼猶酣戰
 多材亟彙征夢維耽竹嶼歸欲閉柴荆撫事同呼
 襪懸心悚報瓊故園依袞繡予志畢樵耕曉日炎

威轉長天霽色明麒麟誰第一細柳亞夫營

題房發公冊

清河陶唐裔聚族獲澤久碧水無殊名堯山况處
右君家先駕部亮節振鶉首顛顛關河歸雪霜大
義剖斑衣粲成行玉樹明戶牖三鳳同穴飛八龍
自爲友發公羣從八人季子最端茂潛修終畎畝履庭不
聞聲遺籍嘗在手向來痛烏號重趼甘北走將父
多苦心保身亦何有究傷廢蓼莪居廬入林藪躬
植枌楸長不移几筵守胡爲騎虬去竟失在原偶
洗馬悲短年中郎遂無後丈夫重自立惟德斯云

壽豈必揚英辭榮名乃不朽

畱別八舅

旅食長安歲再更秋郊握手默無聲避人故託叅
同契違俗時觀陌上行雨沸長堤通社鼓苔深小
閣聽鄰箏臨岐一夜傷頭白徙倚天門傲未平

梁司空子遠招飲時候補上封事卽贈二首

故園枌菊悵同遊薊闕追陪歲復秋曳履崇班來
畫省披襟逸興託滄洲流霞屢沐羣公飲烈火新
銷絕塞愁轉眼却逢良夜月更誰同上庾公樓
興朝物望倚司空抗疏金門繪國風漢武輪臺休

受神堂詩卷六
三
戍卒周宣中澤集哀鴻天清鴛鷺層霄上日麗麒麟秘殿東待次長安淹信宿冰霜心跡幾人同

答戴二楓仲見懷兼申別緒五首

朔雪天無際春風客正愁故人書遠及戎馬問遊遊自隔三關道難登百尺樓接塵懷往事飄泊淚

長流戴居有丹楓閣

彩筆題佳句斑衣念薜蘿猶虛弧矢飲不忘脊令

歌涓水非清瀆汾川且碧波修名俱老大志緒莫

蹉跎戴書中倦倦老母因及舍弟並問子息

漢室聞遺老君為築草亭海山方轉鬪天地此傳

經水入昭餘白春開綿上青西河舊風味更許一

揚舲顧徵君將起山堂祁之南山戴力任之

為訪南州逸深憐北地翁鄧攸沾老淚阮籍失同

風夏樹微休馬河陰捷轉蓬相期啗幽壑金石慰

途窮傅徵君有猶子仁之戚

昔是平原客還同絕塞觴江魚財一寄嶺雁只孤

翔宦薄捐妻子材違冷棟梁從君畱浹日細與論

行藏陳使君待地粵東夫人次子在籍新心

敬題陳使君宗祀圖

汝南望族於惟穎川浩浩澄波分流於燕上谷之

陽卽山巍然聚族而居子姓實繁代有令問德音
孔宣迄封大夫其祧八傳益茂厥修鄉邦同賢遠
嗣太丘潛輝後先布衣祭酒歿而祀焉倬元季方
競美二難藩伯持節鐘鏞待鐫厥功旣懋而宗斯
蕃旁矚青雲明光接肩繪爲新圖蘋藻告虔簪裳
濟濟瓜瓞綿綿凝禧纘緒方至之泉

再過雁門悲開府鹿洲張公捐館奉挽五首
征帆薄涉薊門秋路轉滹沱一溯流出塞每驚霜
雪早聯牀空趁芰荷幽勳名屬日頌朱鷺出處何
心付白鷗尚擬相思歌采菽誰期朝薤冷前洲

西陲萬里白雲中憶白金吾典部戎載酒還高秦
苑月驅車不動漢池風層霄鷗鷺看能上四座鄒
枚訝許同但謂歸來淹伏枕滔滔已失濟川功
冬官選銳列行牙褭冑持矛擁暮霞巧奪風雲傳
刻棘籌深帷幄擬量沙旌旗欲拂巖疆柳帶舄翻
畱故國花水落南池清可鑿臨流幾泛釣魚楂
安車蹠躓渭城間一唱驪歌竟出關是處披襟從
碧水經過發興有青山巖城永日笙竽度遠道新
秋鼓角閒醉倚前除曾解榻長林明月照人還
高槐並立草堂深翠蓋雙虬滿院陰懶向風塵重

說劍閒看魚鳥對鳴琴清標尚託彤弓里懷先公大司馬
曉露偏明玉樹林謂兩公子不待涼飈起頗牧中原戰
伐浩相尋

答姚子遜

秋園徙倚雁門藤落葉飛遲露漸凝邂逅每憐身
是客風流殊愧爾多能江鴻避雪歸偏早塞月經
霜望最澄暫爲常何畱外舍時客劉驃騎底須封事與
同升

中秋日馮星南招同諸子集芍藥園大樹樓
卽事四首

高臥邊城落木聞曉來秋色遽平分出郊爲待千
峰月登閣先畱萬樹雲屢過熊羆頻入夢幽期劍
珮偶成醺故園三徑今何似搔首遙天白雁羣
紫塞風高客路賒他鄉痛飲卽爲家到園新摘凌
霜果憑檻徐看帶露花隨意奕棋消永日有時驅
馬向平沙桑弧蓬矢男兒事况復中原鼓角遮
句注南臨夏屋山使君會此控雄關謂陳少叅祺公舊時
賓客風塵裏佳節笙歌涕淚間臺榭幾回重着屐
野林多處一開顏相如最是愁無賴蹀躞東西未
許還

公子多才比信陵綺筵終日酒如澗層樓宿霧秋
嘗斂十畝踈陰暮漸凝丹葉滄池分歷歷白波青
嶂出層層滹沱咫尺寒如帶更欲沿流理釣罾

憩謚生世兄郊西草堂二首

風雨城居秋色闌草衣珠舄強同歡臨郊忽對關
河盡適野仍畱天地寬漠漠抱溪村稻熟戎戎着
露浦烟寒龐公夙昔辭州府百代何人可並看
西郭之西一草廬地經司馬賦閒居有時乘興觀
秋稼終日銜悲讀父書薄宿白雲畱照晚紛飛黃
葉薦霜初中原勳業會遺恨肯使干霄綵翮虛

再經水碓村孫二博六草堂有感

村居久自出塵氛亂後還同醉夕醺訪舊再臨青
嶂月探幽曾弄白巖雲墻東芍藥堪長對樹北泉
源許更聞總使寒飈吹急羽暫憑瑤瑟慰離羣

答馮瑞函送別

寒郊客緒滿滹沱尚覺青樽照薜蘿樹裏依稀看
雁字村中繾綣得驪歌霜飛嶂塞秋聲遠月挂關
山夜色多世講如君頻注目端門先後見鳴珂

先人爲
侍御

菊四首

在表叔唐大章
先生園值重陽

野色高齋放秋聲遠樹寒頻來杯物把大啟徑花
看九日開爭及三秋立獨難主人最幽興時采落
英餐

碧水憐東郭黃花靜北堂栽移階序滿插引畫圖
香傍竹偏畱翠攀松久耐霜郊行多困酒暫得漱
餘芳

尚識三川卉新舒一丈花飛雲凌畫檻落葉卷晴
沙南道伊人宅東籬處士家乾坤有烽戍不使近

烟霞

園菊移自城南

但涉爲園趣誰論蔣菊心客牀淹草閣吾道付山

林過雁羣相命藏蟲不絕吟名分兼類叙作用閱
年深

鳳翔呈周制府彝初先生

有邵文子多名卿制府分派古襄平秘閣起家自
弱冠東州持節須澄清春旂遠照梅花外漢幟高
懸銅柱明赤舄繡裳不我違珠還鱷徒空聞聲一
從暫草歸田賦湖海橫波忽多故天下蒼生起謝
安日來綠野詢裴度戎衣再秉全蜀鉞鐵馬長驅
劍門路身染沙場牙弩痕帳連玉壘錦江霧川雲
棧石鬱相盤轉粟懸軍古所難况有鯨鯢跳沔水

頗聞豹虎偏長安蠶叢一綫能振旅隴障千尋獨
登壇向暮傳餐後健士當機摧敵先材官西南輸
輓日猶競羽檄烽烟秋未淨關月淒涼塞月老蜀
人阻絕秦人病我公蜀地親驅車翻爲秦民數請
命時啓詩書帶紱逸且看賓客簪裾盛卽今旌纛
滿岐周將帥東歸公獨畱露白霜青雪滂至汧山
渭水長悠悠爲公一躡遠遊屐趨堂重加皇覽壽
公旦之勲在旦夕千年萬禩承箕裘

送姚叔烟還錢塘二首

姚三原
人客感

春來雨雪路茫茫送客衝寒出渭陽亂水沙繁官

柳澹孤城風捲塞雲黃江天花月憐遊子隴道兵
戈憶故鄉去住兩情俱未愜臨岐莫厭酒行長
虎頭幽思幾回新近對烟霞更有神素壁每勞當
晝拂丹厓還冷隔年春和煙軟草催征騎斷靄遊
絲罥去津乘興可能一榻管佇宜披豁慰枵筠

送卜簡菴明府聞訃還越

代

雒水看花擬問津池陽擁旆識歸輪舊遊煙雨悲
零落巖邑風光洽比鄰婺宿天高翻動越江雲春
暖竟辭秦別筵折柳憐征騎重望棠歌慰釣緡

送譚方遠

代

屬歲關河數用兵，
舉帷絕塞仗難兄。
季方並接金門彥，
高會同憐玉樹清。
忽把煙雲移嶽麓，
居然文藻對江城。
一樽聊勸驪駒住，
不盡春風岐路情。

送陳嗣華太學之保德任

征車徧涉太原霜，
每憶花朝臥定羌。
酌酒送君官此地，
臨風搔首見殊方。
黃河冰泮魴魚美，
紫塞春迴鴻雁翔。
藉問舊遊多勝跡，
肯容天上繫孤航。

扶風行

贈王九青太史

三百年來論風雅，
武功鄠杜皆稱雄。
石渠金馬久寂寞，
高視中原得扶風。
豈但接跡李何後，
才名遠

於班掾同較書，
先後登秘閣。
彤管一氣吐，
長虹我亦故園老。
裋褐采苓甘，
契濶浪遊南北不稱意。
霜雪忽盈顛，
毛脫西抱遺。
經歸漢宮面，
顏顛顛志莫奪。
有時獨步二京道，
懷古狂吟天地豁。
舊歲炎飈吹薊門，
雲旗羽旆暗乾坤。
平生知契半搖落，
逸興幽思誰共論。
易水光寒壯士去，
黃金臺迴白日昏。
篋中漫滅所攜刺，
雙屐塵生高齒痕。
太史屏居築新宅，
條然階序無雜客。
積雨招尋過草亭，
紛披圖籍何喧赫。
大鏞石鼓坐開卷，
長嘯短歌皆動魄。
院樹偏涵墨浪明，
盆花近對香醪碧。
回首燕山

莫英違遠馳四牡省覲歸御厨拜賜供朝膳萊袖
承歡漾錦衣惟願母壽栢竹匹膝前蘭桂日芬菲
德音不忝秦與漢高嶽洪河有光輝

寄贈張紫臣郡丞

代

同學羣瞻羽翮高比鄰曾對手編勞絳帷遙攬三
吳秀綵筆還收六代濤自爲秦風光世族絲來漢
相起功曹春鴻北指魚西上肯寄音書落遠臯

寄謝譚延州見貽榆林志

代

榆河新轉大江濤太守褰帷見綵毫萬里好風吹
雁羽三秋明月照旌旄雲連戎角關烽壯雪撼旗

門塞色高漢史龔黃皆內擢紫泥應慰績書勞

送新推舍人徐明府還越省覲

代

絃歌辛苦渭城間紫誥初分供奉班綵漾北堂瞻
鶴馭花明東閣侍龍顏甘棠縞帶長畱野駟馬雙
鳧早渡關七月應頒申國杖恩輝遠照使車還

胡叔子瀨亭挽詩卽慰叅藩公四首

薤上珠明露易晞畿南宿霧掩朝暉藻分鳳闕秋
空到

時同令兄赴鄉闈北上

聲斷鴛原暮不歸績學自畱佳

士傳趨庭猶痛老萊衣藩侯詎遜東門達徙倚齋
前萬事非

颯爽金風隴隧寒
英姿何處長
瑯玕薊雲回首愁
迢遞關樹傷心涕
汎瀾地下修文終
珥筆人間逆
旅罷彈冠莊生齊
物言多寓那得彭
殤一致看
旌帛悽迷玉樹摧
好音惆悵訃音迴
彩霞歛傍丹
霄散細帙難同畫
閣開曉日階庭違
鯉過深秋風
雨失龍媒憲轅叨
隸通家久慚負西
郊白馬來
子舍遺文慟祝予
循陔繞膝此庭除
自憐謝傳哀
勞劇誰慰郝公感
憤舒接徑黃花光
未改摩空白
雁意何如加餐勉
爲蒼生重正倚安
危壯畧初

題孫邠州小像

於維使君子越之良
初辟京兆大猷用
章會操平
準羣牧是皇儲粲
盈桔有條在綱試
瞻飛鳥鳧翮
載翔城入絃誦野
多芾棠庀材涇水
潘陸嗣芳樹
政巖邑宣勞四方
州圖可按漢索其
詳爰溯爰理
古公舊疆絳帷高
揭五馬並行車葆
相屬旌旆孔
揚謂公西邁胡復
我旁垂紱端委旣
和且康澄如
止水皓比朝陽中
蕭以穆外溫而莊
壺冰濯玉署
月凝香仁溥夙靄
義寒秋霜天休滋
至今問不忘
公惠臨我衮衣繡
裳

題白孺人小像

彼何者鸞翽雲汀排玉房兮淑且清秋水湛然貯
滄溟薜蘿爲衣蘭芷馨自從嬪于歌雙星中佐使
君起邁征淝日昧旦日雞鳴辟纒忽兮匡誦聲剖
符西土數巖城皆輦迂之同和鈴函雅祇今憶遷
鶯肅雍閉閣垂令名况聞絃絃手所經椎布操作
如平生七月時聞授衣成夫人筐箱不惜傾徽音
咫尺接儀刑遠匹任姒超姬嬴麟趾之祥頻毓榮
紫霄佳氣充階庭三雛丹穴揚綵翎玉樹臨風總
瑤瓊伯也飛鳧瞻新莫齊肩仲季列簪纓舞斑有
時輝前楹安坐一笑倚翠屏但願母壽多康寧森

森掌珠爲國楨

寄鄂制府新補河西撫軍五首

河隴雲飛萬里秋憲君開府示懷柔欣瞻節鉞歸
西塞實爲乾坤寄上游鴻雁早從青海入虎貔多
自玉門收征南未報寧干羽閱武親登大漠樓
劍履曾遊侍從班中丞特簡濟時艱長陳俎豆文
儒盛每臥車旗葆吹閒几染霽霜供綵筆罇畱明
月照朱顏風清日永渾無事北斗城高萬仞山
使相酬勳主眷隆坐遷司馬仗臨戎才如畢散推
元佐地合周秦拜上公春露寒凝關樹紫晚暉晴

抱嶽蓮紅西人借寇情原切再覩臺烏御鐵驄
憶昨滇黔始用兵友邦才望首咸京天高西顧還
移鎮路濶南荒忽送行一去揮戈湖水白重來飲
馬渭流清安危自昔繇關輔况接棠陰四野明
遮道驪歌岐下亭衆賓皆醉有人醒袞衣真見東
西陝牙纛兼收內外屏三載客臺長運甓萬方征
鼓獨談經趨陪詞客能多賦莫訝相如礪戶扃

中秋客青門奉懷徐明府代

榛苓采采渭川舟
綵筆初從茂宰遊
忽拊絃歌臨皓月
最宜鳧鳥下清秋
風迴綠野谿禾滿
露湛丹林牧笛流
徒倚南山增遠眺
良宵誰侍庾公樓

中秋卽事二首得園字稀字

十載征途月今宵入故園
酒杯隨分具風雨罄時
繁燭定初歸坐雲疎
競倚軒桂宮高不沒
何處獨飛騫

自照干戈滿會臨
飲讌稀經年瞻令節
竟夕待清輝
嬾涉青楓棹難驟
紫塞駢翻宜霄漢
隱客思望中違

承聞亭林先生中秋抵華下阻雨尚稽省視
悵然有作四首

紫氣臨高嶽清光滿素秋卜鄰初適野懷友獨登樓羽檄關河暗風霜歲月邁向今開正學相勗保潛修

積雨何曾住前途不易期暄涼驚歲轉出處少人知澗樹濃雲合山亭皓月遲兩鄉百餘里雖近淚空垂

舊歲燕臺別寒飈起雁門音塵情不置著述道彌尊節傍丹楓晚天畱白露溫喜聞征馬歇離緒欲重論

渭水堪垂釣終南自結廬避人戎馬裏觀世竹書餘不負躬耕約將懸歷聘車客罇開有待秋色翠屏虛

詣華陰時亭林先生未至一宿而行二首

乍見中宵月瞻星引邁初積陰淹道路新水壯河渠野濶鴻行緊天晴木葉疎定知延曉日先曝篋中書

巨浪出還驚三峰到漸明不聞高士駕唯有故人迎謂山史風雨愁餐宿關山數驛程北來仍獨返惆悵嶽雲橫

亭林先生肯訪山村畱宿見贈四詩用韻奉

答

忽枉軒車轍會叨綈帶盟秋陽生里巷暮靄接柴
荆入坐風威轉寒簾月影清慈親親剉薦僕馬效
將迎

步屨曾徒往旌騶乃惠臨水澄圖史色邛靜薜蘿
陰卜築何時定燒燈此夜深華嵐迎渭野端足慰
追尋

馬首河山濶春光几席溫出郊馳邑乘聯榻擁朋
尊渚雁寒俱起籬花晚自存披囊頻太息績學爲
中原

契託金蘭重詩貽白雪新有材追二雅微尚在三
秦日抱關烽發霜吹戍角鄰永言隨杖履情洽和
歌晨

白撫軍祠迎送神詞三章

練嘉辰兮時惟良躋桂酒兮公之堂朝颺萬里兮
自東沙浩浩兮矗千峰長河怒波兮蛟龍時出公
不至兮予銜恤鶴唳天兮雲橫野心思公兮憂莫
瀉

公倏來兮驅素濤雨驟放悲兮嘶青霄岳門闢兮
秋木丹雷電載翁兮雨般般衆嬖競麗兮祠之下

日公先成兮翔百舞山有榛兮隰有苓娛公安坐
今祀事以寧

白日晬晚兮潛其暉公承靈億兮無遽言歸肴進
蒸兮酒無竭悵佳期兮隔旬月公無舍我兮魂魄
來遊遺噓霜露兮大有秋氛厲遠去兮百昌日滋
自今至於萬年兮鐘鼓樂之

趙母王碩人六表詩

從賦萊衣侍北軒采風猶自亟兵樊旁詢內則聞
天水競識徽音溯太原茹苦茶根春轉碧忘憂萱
草暮逾蕃洗觴設悅徵邦教慈孝俱爲錫類源

秋雨同開美客劬鎬齋中方叔繼至聯牀敘
故感懷成篇

予年二十餘渡渭客青門前輩雖寥落典型猶具
存登高未央臺載酒韋杜村秋色浮諸陵壯懷攬
北原維時西蜀客坦腹戎衣軒愛我如手足相延
共饗殮雞鳴賢內子盥櫛出清罇雜珮以時設中
厨無一喧別來歷河嶽回首稔寒溫毛髮已種種
夙歡多招魂再過賃春廡新值吹角繁里巷稀暮
火干旌蔽朝暎阮途誰與並南國得公孫家襲司
馬劍世傳太函言飄零古岐下令弟同灌園俠久

庀縞紵貧能修蘋蘩追隨跨江表次第分歸轅各
抱岐路戚重於故鄉淪論心語未究接屣聞排闥
季子當陽裔風騷性所敦通家忝蘿蔦弱冠爲弟
昆憶醉長渠斤和歌老樹根藏書堪自娛種柳亦
同捫契濶遽如此烟塵忽復昏脫囂就僻墅聯榻
惟空垣敝葛苦露肘單衾常不暄清秋起涼颼大
雨落傾盆四座瞻徒壁棲林嗟羣猿况茲漚溜波
晨夕更飛翻旣乏衝泥具疇爲及溺援疎燈然中
宵散帙漾丘樊緬仰十載內升沈人事屯束薪况
告竭脫粟艱璵璠僕隸有慚色良朋稀駿奔舊知
張驃騎移纛夾熊轡臺廩頗見餽滑苔添屐痕旅
腸幸暫飽流羽盈乾坤安得從漁父泛舟入桃源

池陽焦翁像贊

朝臨東山巔暮倚東山閣煩襟滌日星幽嘯響林
薄瓣香陳別祠龐眷照層壑義問一感激潛輝相
娛樂維翁寓茲峰版築皆躬作翛然列俎豆乃能
銘丹堊懿行苟足錄佳珉良不琢何必蛻塵表凌
風翔寥廓

壽周制府彝初先生五十韻

日展彤盧地筵高棨戟秋輕風吹凍解積雪晃春

浮遠帶終南色新噓渭汭流文龍飛自奮駕鶴引
相求世運遭中蹇公才裕壯猷勲名垂密勿緩急

付懷柔昔秉端門御

自學士擢東撫

會驅使相騶太山先

五嶽東海表諸侯適際乾坤好偏聞玉帛修滄漠

憑坐嘯綵筆佐研按遂冠時巡績真寬左顧憂懸

牙踰大嶺

陞廣督

仗節制荒陬百粵爭歸命三苗已

就疇香銜梅影濶碧轉荔陰稠餽絕珠還浦筐明

翠漾舟叙方歌湛露經國躋崇丘正睹皇華及奚

爲綠野畱讒邪王貝錦瓦缶奪鳴球偶託焚魚賦

甘同抱甕儔無何驚曉角忽復構邊愁羽劇滇池

裏烽嚴桂水頭荆湖紛載旆蜀道梗傳郵采納輿

情愜登庸物望優廟堂精特節

起蜀督

龜筮協僉謀

出與全師會分持宿將籌識超資勇決聲茂捲喙

啾故穴移晨掃雄關力戰收熊羆因蓄銳獬豸竟

同仇久處暄寒極親當矢石投

守成都中流矢

凱旋秦內

史康濟漢神州俎豆雖頻見冰霜且未休馬更嘶

維谷身不脫吳鉤稔策安危舉遲盟帶礪酬兆人

顛借寇多士快依劉我亦林泉客叨陪劍履遊涼

颺承縞紵靜晝花榛修奕局藏神祕吟帷發興幽

欵觴調琴瑟燒燭度清謳跬步窮焉往階除恣所

受和堂詩卷六
五
絲狂容元亮醉笑看子陵裘俊驥怕隨列馴鷹若
戀鞞烹鮮頒外邸寵邁畀長鞦餉輓勞封事詩書
許校讐縱談雲照席良夜月明樓築障仍多壘論
兵此上游但思寧井稅徐可戢戈矛隴樹連橫笛
江波數聚漚前鋒嘗矯矯碩畫詎悠悠獨任功希
並咸宜祿是適治平如在目麟閣到瀛洲

贈劉明府敬菴四首

秦郊處處角聲催漢令還論赤縣才比歲橫戈時
受簡羣公結駟日銜杯春明隴麥爭含秀雨散賊
花太劇開紫閣黃陂遺勝跡且須同醉曲江迴

仙署雲霞許過尋別開齋閣慰登臨有年多種陶
公秫無事嘗鳴單父琴石徑虛分幽嶂色松窓遠
落翠藤陰客來圖史容高寄坐嘯西園白日深
日暮笙歌扶醉聽疎狂敢擬少微星遙遙海錯傾
藏味細細吳歛發從伶揮酒輒悲兵革老借籌無
計輓輪停何人解奏關山笛一夜春風楊柳青
冬林冰雪曉初披憶坐雲屏晝不移笑折官梅憑
野客寒燒畫燭滿晴帷風塵未靜愁看劍帶烏多
閒到奕棋契濶只今春漸好能忘挾纊有前期

受祺堂詩卷之十九

中南山人荆東李因篤子德著

贈奉先令采公弟四首

隴水清流望不微
渭川遼海亦同歸
雁行忽傍雙鳧影
花萼還高百社輝
最喜兼才能作賦
誰云繼亂必宣威
蓬蒿竊幸連鄰壤
露湛風和並所依
車馬青門曉仗重
賴君聲力亢吾宗
爭推玉樹瑯玕秀
數寫香醪琥珀濃
歲久邊隅猶轉粟
春來江漢且傳烽
時添野客陪高宴
共爲慈親效華封
臘日冰河雪浪摧
寒津不渡正徘徊
忽驚千騎東

方至徐發扁舟北斥來古寺長廊堪並宿荒村濁
酒復同開餘溫每戀姜肱被耐可冬宵戎角催
向過花封棣萼芳早春風日似河陽明知署壁懸
魚在却見山城跨鶴翔掃榻更聞延坐嘯開緘時
自有輝光裕苞竹茂歌天保况對連枝奕葉長

壽公門宗翁百歲二首

芒屨濁酒醉前除健步如餐老自如百歲倘能推
律歷九旬應已授尚書蕭條河嶽風塵滿咫尺鄉
鄰杖履疎國有高年頻在念連枝况託隴西初
楚南誰信有冥靈方朔虛傳是歲星何似吾宗存
舊齒亂餘高尚得新硯關門復識真人馭谷口長
畱處士亭稍待春深騎海鶴徐看太華作雲屏

邑里絕句五十首

西南廢驛紫苔生沃野於今獨擅名未墜遺田二

百畝平疇新雨足躬耕

土門在敝廬南百餘步

正陽渠引濁河流辛苦高曾挽上游黃鳥飛來桑

柘綠傍溪豐草臥羊裘

正陽渠在村東

村西古道出三川隴北青槐茆數椽晝沸爐聲矜

渴旅慈親作用仿流泉

槐樹菴在村西南隅吾母施茶之所

泥澗東來繞舊廬雨中禾黍粲新渠兒孫只說豐

年社省憶前人疏鑿初新渠在正陽渠東今頗疏利

將軍霸畧啓秦皇數請田園入故鄉社火村中延

廟貌時來鷹隼叫長楊王公翦為敝里社神

高士行祠社樹前我生蘋藻已三傳春深夜靜龍

潛下細雨融為太極泉孫真人祠先會祖建

仙李柯條百萬枝玄元龍袞尚專祠霜天老柏寒

畱翠落落丹青有歲時老君菴在村北

獨弄白雲烟靄間疎鐘抱麓暮忘還西崖虎阜遙

通月五里龍泉半在山頻山南麓有王公廟予少時讀書於此

東市葫蘆六尺強碧莖翠葉滿園芳往聞冢宰談

佳味朱汗雙馱入帝鄉冢宰謂孫太保公立山先生

市上編茅古押衙逃名說劍水西涯流傳阜莢千

餘歲紫蒂還開二月花薛市有押衙洪隱居遺跡數處

西寺晨鐘委綠蕪時聞龍象泣通塗聲先白社賢

司馬義激青門列大夫薛鎮西寺族祖玄公披荆于此歲久將傾老親命因

篤為疏得龍山郡丞郝公持入會城諸大夫各捐資助其成新碑待樹

烈日寒泉引暮霞南川風味隔年華長懷外氏存

江總豈有高文誌孟嘉外祖昆明先生有南川井廬子少孤追隨汲飲于此

石洞春杯古凍醪漢注春酒凍醪也今石洞春其遺製瓦盆土鼓社

祠勞更隨舅氏餐秋露此酒亦名秋露白族舅肖岡先生善釀無數

桃花出水高

美田千頃自依然古邑今為野市塵每向荒亭瞻

太宰諸孫種杏說編年太史張公鷄菴先生故善方脈後人能繼

數過祠傍水竹居尚書遺草委榛墟家聲具載旌

廉榜白日清輝萬丈餘太祖旌廉榜尚藏張室

流曲輕風盪麥花武皇畋獵駐龍牙荒祠零落畱

軒冕野老春盤走萬家流曲鎮漢武帝出獵經此遺廟存焉

百里傳郵內史間從何倒指華原車解州隸郡公

私便太保經邦見緒餘邑舊屬耀州在縣北六十里孫太保公奏改直隸

高閣脩脩張孝廉酒杯齊物似陶潛涉旬斷米怡

松菊康大能來爨一添張文谷鄉舉苦節貞操康子元高士其同志之友也

重耳驅車虎視偏從亾諸佐復森然渭陽曾別秦

公子村鎮佳名紀到賢到賢鎮晉文公暨諸臣去秦經此鎮以得名

東鄰文獻亦堪徵謂表叔石公建明醉裏千篇誦杜陵且

詫傳魚通驛使長歌磊落李中丞李中丞公石磻先生作歌寄驛

萬斛山前一繡衣晴嵐猶照故柴扉公孫詞翰裁

通籍忝附絲蘿把臂稀繡衣謂楊公斛山先生曾孫雲玖余之姑丈時多外

遊

明月東遮金粟峰青蓮趺坐有遺蹤傳聞六月垂

甘露仗劍空厓制毒龍頻山亦名明月山東有山曰金粟相傳大士降山下

紅眼村為女年十五六不言適巨蟒肆害大士乘之至山上遂坐化

頻山南去接枌榆趙老投荒避市衢肘後隱文兼

利物高秋騎虎動虬鬚趙老與孫真人同時結菴頻山之上每與居人療病

則乘虎而下見邑舊志

真人拔宅自何年子姓千羣各異塵我亦源流叨

自出白雲丹竈一蒼然唐時田真人白日上昇外氏之遠祖也

醉倚嫖姚大樹園黃花三徑遶亭繁東籬孝子曾

題句孔雀猶巢錦帶軒嫖姚外叔祖南征先生園多蒔菊舅氏上則有看菊

詩代外伯祖侍御公殉難舅母徐氏死節

弘農聚族古梅堤載酒亭南帶竹溪夜宿外家悲

壯畧麒麟圖畫夢魂迷梅莊楊氏先父母外家也

錦石連連泥澗波灘陽夙好得清河采薇采芑成

孤性貽我盥蔬淨薜蘿張高士完字居西草灘

采采紅蕖近釣舟壺觴永日快同遊溫泉亦在南

厓下司馬園林太史樓司馬謂朱公西崑先生太史山輝子表姑丈時有招

尋

舊縣春晴柳色寒平疇綠野望漫漫西郊公子同

幽興坐與伊人賦牡丹表弟朱長源齋植牡丹與令叔高士友玉時同獻歌

太后垂衣西漢初還鄉城郭竟何如廟宮突兀歸

浮嶺環珮中宵響玉除

薄太后廟在浮原上還鄉城太后戚屬所居

盤龍蘭若孝廉村海內知交遠到門未得茂陵獻

遺草東阿一破碧苔痕

劉雨化解元著書盤龍寺東阿謂大令曹禹疏亦嘗

粉堞如雲儼故城谿迴新水漲香杭競傳疏鑿劉

明府新導川梁帶郭行

縣故城在郊南溫泉水舊不相通劉公於北門橋上

甃石為渠大有秋臨谿學圃足忘憂甘泉獨向祠

中取碧水翻來橋上流

北郭多蔬圃又城內鹹鹵惟王公正志祠有甜水井

西村別墅鄭公陂十畝清涵鵝鳴池虎嘯龍吟深

悵望松蟠柏老正栖遲

西村村名唐魏鄭公別墅

野郭爭知賈闡仙殘碑磨滅漫經年香林手澤懷

先蹟世講瑯琊喬梓賢

賈村為闡仙故居舊有碑今亾先孝貞與大癡先生

同業西寺學使

文石又於余善

繫馬浮原丈八村南陽解綬息柴門呼盧領奕拚

同醉濁酒青燈老弟昆

家兄南陽君中悅居丈八村

臨淮篆隸久模糊舊縣唐幢委道途邑掾不供傳

榻費祈寒暑雨困誰蘇

臨淮碑顏魯公書在學宮舊縣路旁石幢唐製也

避暑唐園枕簟新茶瓜信宿自畱賓支公揮麈成

今古放鶴還隨喬逸人

表叔唐大章先生園最幽潔支公謂問山高釋喬逸

人時伯
隱君也

龍門古寺聰明泉陟屨唐時詠數賢好事沈翁初

發興開山鑿雒又何年龍門村有聰明泉唐賢分詠石碑在焉沈逢溪高士

始表出之又云鑿三尺嶺可引雒水南流惜事未集

司徒受采漆沮陽十里渠田徧插秧密樹穠花愁

薄暮楊雲指點說迴塘莊鎮為李司徒光弼采田舊有碑楊雲謂聖如高士

日貫長虹白刃流香寧壯氣拔寒湫至今歲祀馨

廊廡清議猶傳柳柳州梁孝子悅香寧村人柳州復仇議即其事

殺禰陶羹北道來銅梁煤阜到今開天畱此貨均

窮旅未許權門問渡回殺禰故郡名銅梁今同官也

巨磧崔嵬百萬層唐家中葉起諸陵青岑墨玉旋

隨闢篆籀光鋌到處徵唐陵下有洞產石名墨玉取鐫碑版甲於天下

工聞石盃鏤千花繙引環連數丈遐此菽匠師輸

楮玉猶瞻華表躍龍蛇邑工舊為石盃石繙石環皆絕藝

川長堤曲井欄斜地絕花門旅寓家未有王侯收

晚稞猶寬卒伍聚平沙邑四十里並無王田兵屯地兼絕回紇不罹此三害

北史風流魏孝文雲中雒下見高墳何人鹵莽釐

邦祭却遺頻西俎豆分魏孝文初葬雒陽後遷雲中今邑所紀者誤以西魏

文帝當之

歐陽仙令跨鳧來鯉對文忠產大才尚恐邑人疎

掌故珠琴玉樹兩徘徊

歐陽公觀嘗為邑宰

北郭鴻臚利涉橋層城衢巷立峒堯春和出就溫

泉浴澹蕩東風碧柳條

邑北門外有李公橋

天岳高壇敞戶庭大雪飛旆滿林垆時鞭白虎控

漠渤咫尺風雷肅萬靈

邑東門外有岳廟禱雨之所

神禹荆山鑄鼎宮古坊疎豁送春風我來下馬頻

瞻拜南望川流砥柱中

荆山乃大禹鑄鼎處遺宮尚存

酬母姨夫焦二虞先生

有序

不肖因篤自壯年受知於母姨夫焦公二

虞先生謬以有道期之自嗟淪落使藻拔

久虛然先生一代偉人遭亂晦跡時亦未

之知也前冬匹馬衝泥拜先生於清灣別

墅悲喜相兼流連達夜恩私骨肉迴出尋

常既醉歸更貽新篇而因篤以饑驅江漢

三載餘始上報章惟先生鑒而裁之

焦獲寒飈吹廣陌雪花如掌迷征客丈人亂後逃

城市第五坊南作新宅登堂灑涕各踟躕哀時撫

景追疇昔回首風塵二十載故園霜露交愁積少

日相期有素心窮途自固如磐石先子况叨肺腑

雅藐孤兼領提攜益家國艱虞不具論親知零落

誰遑惜往者中丞擢諫議同朝揚左清邦籍毅然
折檻疏綱常行且埋輪誅豎逆魑魅忽張君側焰
雷霆中構黨人厄太傅憂傷去漢廷左徒顛顛吟
江澤天授 先皇更大統改元初政何輝赫漢詔
遙飛在野年函詩更美居東舄不盡賢才布廊廟
徒令 聖主憂疆場所歷雄藩况有辭懸牙絕塞
聞遺跡軍中靖變若抽繭境內除奸如裂帛戎鼓
烽雲總閒閒綸巾羽扇何奕奕其如恭顯盜阿柄
肯許膺滂居肘腋英謀未發復中傷別旨旋聞去
安適可憐梁棟置無用雖有具帥難深責流羽縱
橫伊洛平連雲飛越關河坼今攘神器擁僞號昔
剪渠魁餘厮役嗚呼 大行有死臣凜冽忠魂無
完魄甘露所噓多瑞草渥注之產皆龍脊考槃高
節晚逾貞遲暮力田亦薄獲顯者到門每辭謝狂
夫執手情開闢當年吾丈髯猶青一別我曹頭已
白悉數急難中多故空嗟新舊忽復易始知所親
卽所宗相觀今夕爲何夕清谿晚稻香添滑臘月
坊芹凍轉碧密座醇醪須倒缸褰簾積霰已盈尺
暖牀徐遣諸母去高枕醉眠增悲悻昨暮黃鸝鳴
好音今晨玄鳥來新翮高齋莫莢將幾變游子關

河自相索清光敢使却後塵夙駕何繇蒙安席逝
景浮雲瞻浩蕩江花渭樹成垂隔鬱鬱慈峨道中
杳森森開府墳上柏拂衣歸去公仍健五岳還同
漫游屐

送郭山函廣文謁選

九鼎出豐鎬中原紛樹戟雅亾南不奏天下削王
迹與國相繼雄春秋所繇關是時主夏盟惟晉稱
強伯比多賢大夫交契滿行役贈答光縞紵勳名
潤金石我侯產雲中關塞聲最赫曠懷匹皇古周
漢猶咫尺頻山蕞爾區發此千仞翮初聞宓子琴

競覩王喬舄趨庭得綵服有美洵拱壁條然絕裘
馬養志傾圖籍旣抱軼倫姿彌鍾虛谷益藜火照
中夜徧探丘與索孤竹含高籟落花靜永夕經術
成弱冠令聞早奕奕末流爽大公偏重持等格已
任網羅疎真疑天宇窄威施淹麤下駮駢乃負軛
懸鵠束俊民獵榮當推澤清門儒素風屢冠博士
冊匪盡薄明揚高曾垂遺陌西京慎疇人世守其
先澤賜族或以官朝常徵家祏謂學必宿成搏風
資厚積力田思有秋君子恥倖獲維君喬梓才並
有著述責慷慨一授簡萬夫皆辟易恒嶽據上游

太行中橫脊河山可俯視挺達追曩昔憶昨遊是

都邊霜肅正白愁鬢西幸曲大同為武遠弔代

王宅攜手兩觀察振衣諸詞客時曹侍郎秋岳陳

邊青主亭林石生錫嘉譽久在耳好修終親炙况

能聯世講簪服下縫掖狂歌貌流輩縱酒披肝膈

躊躇摧盛顏世事若聚奕書劍總茫茫歲華甘浪

擲髮短已數改牙疎將半垢良會且幾何壯心殊

自惜皓首疲奔命連年畏兵革春來羽檄明向夜

烽火赤轉餉猝愆期司農頻踰額昨令覲時艱憂

勞無日釋更兼被褐交多歎藜羹迫忘分呼官解

餒腸醉醇醪子舍同夙歡孫枝亦巨擘謂同聲英

齡弄柔翰每見輒動魄舊夏賦北征先驅登荒磧

殷勤介朶雲却暑貽締綌君今省侍旋忽復暄涼

隔邂逅坐未煖輕輅仍遠適三十為人師丘園賁

束帛聞道有早暮豈須形羸瘠頗問驪駒鳴還虞

別筵據撫景究餘憾幽棲嗟地僻努力駕言邁朝

暉方激射來驚雨雪嚴去望楊柳碧海內未休兵

求賢嘗側席君如踐台斗定裕戡亂策

舅氏十六翁齋中牡丹盛開招開美飲奉寄

此作二首

野閣青罇麗春階白日賒自宜要國士相對賞王
花豔倒軒楹入香浮几席遮時常臨萬卷此夕繫
羣車

別院雕欄迴先公手澤深長畱驚俗卉獨出冠芳
林倚榭丹霞合攀枝翠露沈更和拂焦尾宮角奏

元音

汪善琴

贈楊太守陞榆林兵備卽送之官

代

十載褰帷秋色高四方多壘使君勞隴門雨雪懷
輪輓榆塞烽烟重節旄行部自畱周野樹濟時應
佩呂虔刀夕陽祖帳憐遊子沾洒東流渭水濤

寄懷趙大蒼篆

青門向接建弧杯紫塞欣瞻叱馭來嶽樹遙連西
夏色關疆重寄北門才秋生野笛長河繞夜息邊
烽沓嶂開欲傍雙牙更敘舊賀蘭迢遞暮雲隈

寄朱太史卽問疾二首

多壘郊原旌旆愁大夫家食未忘憂暄涼况觸春
風易坐歎仍看野興流遲放名花如有待屢開佳
醞已同浮西園水遶滄池濶羽息烟消一泛舟
江漢遙驚歸路塵亂離重數故園春從公正喜逢
湯沐避俗還陪把釣綸方丈維摩才警衆茂陵司

受祿堂詩卷十九
三
馬賦殊倫比來暫臥翩然起綠柳黃鸝處處新

寄采臣明府弟時膺薦剡

漢署花深夏日長微風解慍靜琴張三年報最如
冰雪百里同秋足稻梁客屐每縈池草澹罇醪偏
瀉嶽蓮香時危爾若登臺省肯念民勞亟上章

贈茹別駕四十韻兼寄公子紫庭明府

丙史先王地西征籲俊辰使君登省府推轂慰邦
人露湛青郊沃棠開白社春寒帷資上佐借箸愜
僉詢向憶滇波起翻愁蜀道鄰關烽恒遠及棧雪
已中堙攝郡煩籌餉防邊亟算緡嘉謨聞侃侃雅

望日詵詵政擢二年最驟加五馬真展知雄驥足
出得資雕輪絕塞橫戈久危疆叱馭頻江山按古
徑闕閱比勞薪下里悵懔合諸臺臂指伸漢廷初
召統河內竟歸詢帶訝腰圍減霜添鬢角新雲霄
儲健翮藜藿耐長貧更接芝蘭秀

謂紫庭明府

還憐汗

血馴寧家看令子結客有芳晨玉樹人爭識金閨
藉草臻苦吟多獨步豪舉亦殊倫薄俗輕肥好吾
賢縞紵親得聲滿空谷兼愛及遺民快入龔黃部
慚爲庾謝賓高齋長洞啓偃臥數經旬醯醢親調
七罇疊對飲醇秋枰延靜晝夕月爛叢筠却念巖

棲老遙探澗水濱

明府嘗訪山居

頗能懷采菽端不棄懸

鶉別走瑤華屢來須象簞陳披襟緣畏暑適館自
依仁蔭濶炎暉隔亭虛爽籟勻碧漠沾晚翠蒼餘
作修鱗醉許周旋簡狂無倨侮嗔函鐘能迫夏擊
缶詎忘秦忽喚臺門鶴長澹子舍椿有封歡倚華
維嶽頌生申辟荔空他藪榛苓託此身濟時期雋
碩逃俗問風塵接境猶酣戰窮年只茹辛願言芘
喬梓清渭老垂綸

六月二日集陳大允中宅贈韓二溥其初度
性不耐城市麋鹿甘我拙強入塵土中况逢夏日
烈涉旬疲奔走揮汗苦未竭飲水無已時披衣如
執熱朝來出西郊俛仰情怡悅吹面得微風灑然
開霜雪徐行天地寬漸有竹樹潔掃榻接故人連
鑣同羣哲數椽庇飛矢前廡猶鳴鐵稍喜部壘肅
何妨罇俎列吾賢賦皇攬晝漏滋令節隨意臥蓬
蒿展懷延瓜瓞濁醪漉始熟桃李榮新結斟酌聊
一摘爲君頌大耋

雨公同茂引過訪畱飲值七夕卽事二首

我李爭推吳郡才通家更識孔融來路迎雙澗行
難別雲臥諸峰到未開竟日主賓成坐嘯新秋天

地有風雷最宜零雨驅殘暑不厭荒村濁酒杯
木葉初飛大火流衡門搔首不勝愁故園時序酣
戎馬佳夕陰晴問女牛碧度高欄河漢出涼生紉
席草蟲幽笑陳雞黍淹中夜蓬華長從二仲遊

寄壽鄂撫軍

時鄂在上郡予之山右

蒹葭西望色蒼蒼紫塞黃河隔故鄉袞繡長懸邠
野賦蓬蒿數詣蔣公堂關鴻暖住三川水代馬晴
吟九月霜直是北門須玉鑰親提牙節控巖疆

哭陳使君祺公柩次十二首

持節驚聞粵嶠長况逢流羽徧南荒使君補廣西少參遭亂客

死粵東江波反覆蛟龍怒嶺館徘徊鵬鳥翔夢入梅

花吹萬里愁懸月影上孤航最憐捐舍無賓客誰

與招魂返故鄉亭林先生改樹為館

車騎初瞻涇水潛五原秋色慰前期使君初擢回原僉憲晤子

於邸章驛遂迎之官舍聆音忽使狂歌重入部能堪逸興為

錦席傳經慚絳帳兩公子皆從子遊春郊走馬問黃鸝只

今搖落蕭關道惆悵津亭斥柳遲

憶逐輕輅過雁門使君遷代州少參邀子俱行三邊鐵馬正雲

屯高秋不見傳烽入遠戍猶如挾纊溫長有笙歌

開別墅肯教風雨間朋儔此時太史占星聚南北

會空處士村

冀北風清夏日寒晴雲夏屋鬱千盤代州南山名夏屋得

開懷抱從嚴武真為登臨託謝安塞鯉遙銜冰浪

至保德出石華魚冬月注之以冰至代猶鮮臺芝直並雨花看五臺僧舍產天

花甲幽居子性耽蘿薜傍舍新移谷口蘭

一出秦關有歲華飄零杜甫更攜家他鄉妻子沾

公廩故國交親倚宦槎絕徼塞帷春律駐芳朝散

帙暮雲斜塞垣藏酒寒逾碧相對琴樽送落霞

幕府移來竹樹新西園佳構為娛賓使君所至每創新居延客

縹緗款識餘千卷藏書最富皆諸名公較警縞紵光輝滿四鄰

消渴茂陵終是癖拂衣彭澤竟忘貧朔風代馬相

違久愁說林臯處處塵

獨立燕山嗜苦吟狂夫傾蓋已披襟叱車關隴孤

城色攜手崆峒萬古心暫出委懷兼瑣細多時懸

榻自蕭森寧知人事如翻掌碣石風烟北望深

雍肅承家自穎川使君名德步前賢鶴鴿原上鳴

相和使君善事伯兄太蘭桂階除接並肩兩公子暨猶子

內翰君端伯昆仲皆至任紈綺數因公讌解木桃偏動故人憐

猶聞內子親操作款客中宵畫燭妍

弱冠登朝對大庭南安豸繡出明刑使君繇進士授鞏昌司李

一遷樞密稱良佐內擢兵部郎三借邊陲樹外屏陸固原兵

備歷代州廣西戟列不增旋馬宅歷官二十年其居第創自先公

無所益苔荒空鎖較書亭尉陀臺畔天如水迢遞楓

林羽旄青

流滯荆門歲月疎太行搔首一傳書子客楚遣人候使君甫得

報而亂作使君補粵西竟不返四愁篇末悲難盡雙鵠歌成恨有

餘惜別遠違句注鴈羈棲翻食武昌魚夜來披笥

按遺跡報劄凄然絕筆初

綵仗曾聞瘞玉行使君瀕發有次子立之戚瑤琴應感斷絃聲

使君行後崔恭人隨逝一官匏繫風波險三載萍浮瘴瀉嬰

飲水自甘終抗敵分符將及遽辭榮粵撫傳疏使君高節題授

按察使未任而卒晨潮暮汐碑長在海獸能言聚淚成

絮酒遙隨鏡具來蕭條門巷委塵埃但愁阡隴貧

難就遑問裕楸冷未栽擊筑悲歌臨易水論文寂

寞對燕臺不堪重過西州路腸斷山陽晚笛哀

答友見錫鬯垂示山左見懷之篇

燕市陳情客未還故人相見慰愁顏曾遲劍易京

華外子前歲至京值錫兄客通州未及晤却賦榛苓海岱間存沒諸

公皆斷梗亂離九塞各嚴關尚須前箸呼閭闔西

望白雲何處山

贈履吉侍衛卽懷尊大人司馬公

渭城寒日澹流霜執手臺門菊正黃每憶使君分
旅食親爲遊子具行裝愁侵客路金風早喜對公
家玉樹光侍從班高畱宿衛更聞磨盾賦長楊

初雪柬廷尉昆弟兼懷山史

冬令初看莫葉分前一日曉窓相對雪紛紛故人
朝罷銀鞍濕遊子天涯玉笛聞邸夜寒生高閣漏
關門愁入太行雲王猷却作牛衣臥未肯移舟一
共醺

投贈家學士湘北公兼述近懷五十韻

學士吾宗秀天階隴樹新盛朝需亮采光岳產名
臣弱冠初通籍崇班早致身石渠杼靜晝金馬洞
層闈遂簡樞機重還勞密勿親睿謀躬造膝深殿
日移晨內酒承杯屢宮蓮撤燭頻貂溫兼賜袞孔
翠接垂紳萬戶寒猶闔千官迴未臻先鐘馳列仗
挂月駐膏輪步屨中台趾賡歌亞相春函開收絕
域詔發轉洪鈞卽睹嘉謨瘁終憐逸興馴門多迎
蒯臬手自植松筠緩帶憑推赤忘形及飲醇同時
才最健每出賦殊倫士論從高汝仙源舊庇秦雄
分淮海濶峻極華嵩鄰自古嘗餘憾如公始獨伸

受補室言卷一
太羹和助理端絃力追淳露灑清垓合霜融霽闕
辰爰知鍾間代實爲活生民且覺斑衣好相隨綵

筆循鳳雛皆鸞鴛龍種必麒麟

謂長君丹壑

舉足能沾

汗搏飛已蕩旻媵修期亶亶濟美較彬彬近擾炎
荒檄猶驅雪棧塵屬羗微人塞驚浪浩窺垠究藉
安危倚無妨捷伐仁前籌提勝畧就榻草恩綸久
訝傳餐暮爭依挾纒均股肱瞻碩輔圭鬯肅明禋
忽報思幽側疇咨待隱淪徵書嚴勒限走吏數經
旬且夕違慈母關河涉遠津預愁嘗藥失誰復救
顛申摘笋虧盤饌供魚舍釣緝囑歸惟引領瀕去

各沾巾悵望行山角徘徊御水濱信稀悲過雁裘
敝結懸鶉漫得來青瑣空煩叫紫宸夢遙征序急
吟冷客途貧要路慚書刺孱軀鬱采薪絲來蓬累
子豈是尚方珍濫獎攀瓜虺旁陰託藻蘋甚知謙
受大殊荷友于真晤對披懷抱將迎慰苦辛願畱
還哺翼甘作戀溪鱗錫孝應連類臨軒肯上陳莫
令千載下徒羨賴封人

受祺堂詩卷之二十

中南山人荆東李因篤子德著

投贈內閣項學士兼書所懷五十韻

日麗燕臺曉天高漢闕秋秩宗居紫禁昭代表皇
猷曳履清逾切含香秘獨畱先趨鴈鷺侶緩出鳳
凰樓落月遙臨仗微霜久賜裘詔親朝左掖班壓
內諸侯席接兼稽古帷深密借籌依然門下並只
與侍中遊族望雄南國詞名冠越州綵毫推起草
青鬢列行騶指掌絲綸具承顏雨露浮宮衣霑五
色御案沃羣羞退食歸雖晚佳期與自幽徑花榮

別第山翠引寒陬卷幔空光入開罇野屨稠浩歌
偏近郢虛受亦涵漚况挺威儀峻欣瞻制作優有
文如海嶽無語不墳丘歷歷爲緡史寥寥竟罕儔
比肩騷雅繼徐步極宸絲屈宋疎前烈蕭陳失冥
揆似公才有顯誰昔命何尤每憶滇波動旋驚蜀
羽流江雲燒大壑沔檝變同舟賦亟邊聲遠輦喧
歲序適瑀戈叢絕戎鐵騎纂長鞦廟畧通宵啓軍
書刻漏收分符遴虎節載旆肅龍旂獨翊乾坤正
旁聞屏翰修匪躬資構厦端拱慶垂旒已睹明良
合仍勞寤寐求轉蓬殷睿照荒谷縱遐蒐豈謂鳴
珂邸翻憐抱甕洲僉詢容裋褐博愛比慈鳩郡邑
人頻至台司檄未休當時催策蹇後命速傳郵負
米違黃閣牽裾悵白頭陌塵初蕩蕩征屐總悠悠
母老增延佇途岐幾溯游頓教溫清隔難必痛癢
瘳爽景裁辭舍堅冰忽滿溝扶牀應注眼陟屺敢
忘愁往者嗟吟橘年來嬾飯牛早知饒獻替非僅
急懷柔自顧漁樵鄙疇堪劍珮侔翱翔悲燕雀蹠
躩遜驂騑出處聊隨分狂愚且放謳楚夫今在趙
羈客此依劉向把瑤華及多慚木李投更持明發
淚披豁待君謀

受補堂詩卷三
無異先生同客京師家書至有舉曾孫之慶
喜甚旣而歎曰安有爲人作曾祖尚可干
進者愚述其意爲賦古詩因得畧敘山川
門閥之雄並及生平梗槩凡六百字卽示

門人輔

華嶽三輔東其高五千丈下有司馬廬開門儼相
向季子美丰儀中情兼直諒弱冠讀父書諸兄才
俱讓西遊涇渭間所與必哲匠有時聞新篇四座
盡惆悵先秦何蒼然兩漢互激宕委蛇縞帶垂一
吐河山壯少年或豪舉天性嗜醇釀回首笑嵇阮
把杯多跌踢醉拊詞翰柔操觚神彩玉篆分存遺
法龍虎駭有狀君起義獻喬大名日星傍釵角及
漏痕側鋒安足尚同人巧筆跡注墨猶崩浪片羽
總吉光餘輝流屏幃潛居將白頭晚節益清亢閉
戶謝賓客高眠心獨暢凌虛築草亭百尺瞻絕曠
几席擁翠陰寒簾迷青嶂吾愛仙掌蓮削成本奇
劖怪汝擅此物乾坤乃私貺病餘耽註易疑義晰
纖纈重發太昊圖槩刪諸說妄吳郡顧亭林先生秉人
倫世儒希得當紫氣昨入關幽期頻往訪二公弟
蓄子矜許每過望振綏來澗阿懷古一酬唱春風

吹鶴書謬亦點徵兩部檄嚴勒程台司亟趣裝俄

復違慈親未容引宿恙先生以病辭予控親老俱為部駁徘徊暮

山深積雨秋水漲省君就僧寮先生時寓吳天寺撫事同

悽愴短裘裁蔽膝儲粟不盈盎朝看霜雪明頓使

朔風颯行矣歲律除日歸仍難量故園迤好音羈

客顏一放弧矢宛在懸朶雲驚殊相充間占舊德

歷世慰主鬯君近耳順年且遲鄉飲杖桂樹久並

立謂輔及弟輯芳蘭鬱成行先生有孫四人明珠徑寸新忽綴

孫枝上含飴弄所哺已解稱色養為祖為人曾老

懷亦頗亮即今長安道賢達密列仗底須驅麋鹿

絲葛議趨抗偃臥室嘗閒將迎項猶強接塵憶平

生萬感如夙彘矧急隴首戎還殷棧閣餉牙節豎

驛館羽林馳諸將自從賦行役辛苦窮旅况供稅

迫怙期薄田愁莫償佳兒昔負笈畏友慚絳帳捧

檄詎獲已參軍情悒快前執戲綵柯先生孫駢之婚予為議聘

御輪幾弦望玉燕早報慶柴荆能週防藻蘋延屢

及泉石敢誰誑儻附躬耕耦甘為擊壤倡出邸詢

曉鐘旋秦倚春舫一片芙蓉月寒光浩蕩蕩

東高舍人澹人二首

常侍傳高適聲華滿禁中時承前席對綽有古人

風抱日宮雲好融霜掖樹同朝迴盛簪烏亦念鹿
皮翁

客子悲岐路天門鬱九重長愁溫清冷忽訝雪霜
濃回首詢遙角驚心接暮鐘舍人饒獻替無使滯
遊

答儲明府廣期二首

旅食歸無計行藏晚自憐朔風疑授雪寒日莽催
年候雁驚時早潛魚度性偏放歌逢傲吏相對一
蒼然

袞袞金臺客悠悠紫陌塵浮名關底事高臥得斯
人地僻看花久時艱應詔新班荆論捧檄獨愛遠
遊身

贈馮訥生比部初度二首

漢署真憐綵筆豪詞名不愧白雲曹策時黃髮頻
相問懷古朱絃只自操冬暖閣梅延霽景晝清春
酒泛仙桃馮唐歷事聞西掖佇有新綸報積勞

簪烏從君滿冀都更饒幽興託潛夫坐論關塞同
詞賦曾對園林入畫圖金馬門隨鴻雁影
史孝廉船引鳳凰雛謂令郎邸中佳氣融閭闔皇

攬猶懸北嶽弧

賦伯母瞿太夫人初度五首

太皇慈極正坤寧
 樛葛三朝啓內庭
 應運母儀瞻備德
 推恩宸誥與遐齡
 金閨晚漾西山紫
 玉樹寒畱北闕青
 曆象昭然孚聖善
 不勞旁問斗間星
 鳴騶爲導板輿來
 設悅欣逢邸第開
 傍臘北堂新剖橘
 先春東閣早看梅
 宮雲五色移天仗
 御水雙洲瀉壽杯
 可但寧親需令子
 安危方倚濟川才
 朝迴八座已充閭
 子舍同時上起居
 遂有軒幃迎駕鶴
 時陳鐘鼎饌江魚
 大家真作中宮範
 方績還高左氏書
 自此躋觥千百度
 蓬萊闕下引年初

女修皇古肇徽音
 泚水清光接想任
 式讌何須將母賦
 承歡並慰早朝心
 寒曦暗逐笙歌長
 畫燭遲連劍珮深
 且喜含飴家慶合
 綵毫重對石渠陰

壑庶常

帝城畱滯歷三冬
 遶膝萊衣媿仲容
 賜杖徐頒瀛苑竹
 稱觴近指掖門松
 曾憐遊子親調箸
 屢屬閣人許
 就春撫事獨違明
 發久椒盤春酒更誰供

投贈馮相國兼上七袞之觴

時屢承枉顧並見招

碩德瞻青郡元僚
 翊紫宸岱宗高並仰
 滄海闊無垠國傲軒
 轅麓天畱稷契身
 嘯歌違老步饑溺付

斯民在宥安垂拱先幾燭秉鈞誰聞前箸密但睹
鞠躬頻旭景移旁殿流霞鎖外闈聖情三接久皇
笑一爲新旨酒霑殊渥雕盤列上珍詔催常侍騎
恩逮寢園蘋禁樹霜初染池花露未湮珥貂飛授
服圍玉暖承紳寵錫雖同荷訐謨迴獨陳拜颺看
嗣古風俗坐還淳憶對升朝月歡逢輯瑞旬

公成進士

之年始舉觀典

壁輝傾虎觀藜火發龍鱗累級皆從史援

毫捷有神右文張秘勿東嚮正成均再啓山公事
羣游水鏡晨菲葑多人採梁棟鬱相因畫省班通
掖端門禮絕倫披謨驚侃侃退食雅恂恂董勸當

年典庸威歷代遵躬諧寧執法寰宇自依仁宅揆
光嘉命疑承畀要津乃心冰雪是惟帝股肱親比
歲疲征役遐方隔覲巡責難憂匪細時紕道能伸
轉象長提斗噓霾洞徹旻謁來司杼軸延佇託麒
麟豈料明農疏曾傳濟物人清宵殷睿覽詰旦藹
溫綸構厦工師得調羹鼎鼐勻咸知需佐鬯肯使
問叢筠翦立推潛羽騰驤滿後塵孤忠開俊及絕
學起關閩

總憲魏公在野公所推轂

昨已彈冠彙今猶側席詢

板書連茹舉谿谷響然臻隙照怕遙屬虛聲亦易
循懸裝增黯淡諗母亟酸辛職曠憐遊子途窮倚

大臣桑榆容愛日菽藿敢辭貧忽下帷車重叨浮
醪醕醇負春趨末庶懷橘愧諸賓竟飲談猶劇融
寒氣最真那資鳩杖健爭識鳳毛馴有公子甚幼
編揖座客
擁篲行宜早牽裾義可申勞勞非戀闕款款籲歸
秦漸逼陽生候將臨嶽降辰八千閱曆始徐數漆
園春

柬高謨園進士二首

尚阻江湖興新知渤海才漢廷需賈董梁苑憶鄒
枚露浣金莖出春融玉樹開芳朝應有賦緩步上
林回

邸舍羣賢集冬宵列炬溫早梅疎照座微月澹開
罇劍舄寧長聚兵戈莫細論嚶鳴春漸和庶下念
諸昆時舍弟良
年客於高

裴主事晉裔新納第三寵姬有贈

仙郎題柱待新硯時候
補咫尺藍橋接漢庭錦瑟高
堂看小婦明河永夜對三星寒深暮靄傳杯碧醉
起春山入鏡青却笑閉門王給事催妝何用撲蟬
翎

陳情抵京再寓張廷尉幼南齋中屬書屏詩

十首

離筵向憶解綈袍客路風霜蝕鬢毛海內依然聞
畫角秋深及此對香醪披帷轉接圖書盛下榻徐
看竹樹高落拓都亭慚獻紵如君合佩呂虔刀

令公牙帳古甘州身繫安危領上游萬里恩孚天
北極十年威攝海西頭雲開絕戍關河晚月挂晴
霄障塞秋况有趨庭光鯉對賜貂新着侍中裘

行年二十早登朝寵禮繇來冠百僚御苑擊鮮馳
內使宮門傳燭散中宵曾題天上封猶濕忽落人

間露未消座客渾忘殊錫重前禽細數玉沙遙

賜太夫人
關東雜兔

高平烽火照秦山朔漠塵沙遠度關戰壘飄搖辭

子舍戎衣辛苦入朝班寒摧羣木孤松迴洞徹層

霄勁翮閒漫訝國人爭寓目一時臺省破愁顏

尉入朝值
平涼之變

退朝鵷鷺出春城廷尉風流嗣漢京卽對銜杯皆

白社時看輟箸爲蒼生曦通幽谷園扉靜律轉繁

霜貫索清致主還應追稷契賡歌萬古一含情

長安甲第曉雲飛第五橋邊築翠微勝絕故園行

處是幽期仙侶醉忘歸輕烟紫閣尋樵徑落日皇

陂訪釣磯總使北征重倚玉蒹葭回首寸心違

詞名年少曲江潯健筆憂時發興深每攬河源資

壯畧閒登華頂劇長吟乾坤形勝還關輔楚蜀干

戈自古今更說西州殷轉餉民勞獨繫采薇心

清卿緩步接氤氳愛弟肩隨齒自分列仗雙瞻花

萼影時令仲為宗人府經歷吹篴迭和鶴鴿羣謂叔季三君聿來

佳客多橫綬何處狂夫坐論文二妙五常看動色

異時楨幹總凌雲

庭闈一別五經霜抗疏深冬返故鄉綵服到迎春

酒碧朱旗行漾嶽蓮光兼聞遶膝徵羔雁却喜迴

車下鳳凰錫類相期敦夙好忍教遊子獨沾裳時

尉請假省觀先是尊大人為內幣寧夏趙將軍有書督婚擬歸迎娶

秦川西望歲將除隴水東流亦有初憶賦落花同

駘蕩遙攀春柳正扶疎青芹久隔坊南酒錦字長

懷渭北書努力濟時屬公等茂陵終許臥相如

答無異先生

客夢生關輔鄉愁逼歲時暗存喬嶽淚猶把漢臣

詩柳自青陽色裕餘白雪姿冥鴻隨所往不託上

林枝

贈張振六員外

我昔遊青門君年甫弱冠結交皆老成幽興託詞

翰落落絕岫雲孤行春水斤臨風玉樹枝迴與羣
木判况值滄桑餘西州物采渙韋杜創新築過從
忘日晏往時痛飲徒淪沒非一日末契忝此聲狂
歌資相贊頽然裋褐翁對爾簪纓燦隨意臥高齋
浹旬窮壯觀爲歡苦不足世路驚多難嘉會忽星
流故人如雨散自揚滇池波中漣沔上亂是處責
芻粟連年疲板榦偉哉少傅公雄畧諸羗憚所部
五涼兒鷹騰何可算屹如山嶽峙俄復電霆煥一
奮怒蛟威坐收蝟蠕謾干城披腹心右顧慰宵旰
究必裂土封誰爲通侯讚尚懷執徐秋行役吟澤

畔京洛車笠盟合離亦得半難兄方要津

謂令仲廷尉君

結襪起衰悞枳桂能招隱典墳及抗館君雖後阼
階辟呬卑自按至性敦嚶鳴潛期乃獨衍別來歲
屢更奔走嗟重汗明發悵倚閭旅愁紛悽斷久懸

墻東榻還給庶下纓綵服違仲氏

時廷尉省親西歸

賓觴

妥操縵喜君掌屬籍邦本依彊幹拔侍舍香曹爭
瞻繡紱換推心賦草蟲秉燭同几案圖史恣冥搜
戶庭希近翫憐予思蒹葭夙好接里閭安居春又
通事事有條貫朔地古多寒陽回冰未泮朝出解
輕裘室溫融軟慢風雨旣無鄉乾坤增慨歎借籌

乞歸耕高步秦與漢

王茂衍方伯初度卽事

持節褰帷三十年絲毫重賦鳳城前敢云伊呂違
需次雖入應劉少並肩雪盡蓬萊雲自好花明閩
闔露初妍屬杯相繼聞邠籥弧矢新同北斗懸

述懷呈御史大夫魏公環谿先生

宣聖去我久百家紛吹籟秦灰漢未寒此義微如
帶首出推孝武天姿奮雄邁毅然踐祚初親擢江
都對下詔崇經術羣言一以汰溯流非乏人師授
各殊槩濂雒振遺緒紫陽功獨最譬猶廣樂成余

石鈞天涯往者姚江徒傍分二陸孤冥心希性命
六藝鄙煩碎若實鍾夙悟勳名亦相配奈何張空
談儒墨互貽害公起西河鄉好修近莫逮折衷於

古賢潛契託朱蔡

蔡謂虛齋先生

謂學如播穀先農世攸

賴雖陳他珍饑粒食詎得廢補註格物傳恭惟持
論大蒼茫天地間纂述德音屈正始聞黃鐘蛙鳴
忽已退太羹幸沃腹誰屑譏蒲稗賤子嘗壯年遨

遊盡關塞涼秋登恒嶽匹馬北過代

蔚古

灑水澄

寒濤磨筭碧落靄當公賜湯沐倒屣無紹介庠序
生阼階景行肅高會素王統先哲文獻臨紱佩半

刺未釋手司閹徐出外白之太夫人然後持客拜

雞黍以時設艸堂占道泰臨岐辱贈辭努力蒙深

愛公見贈詩有經史待評論之語綺紵金閨物申言母命再至今

暖老親霜霰融朝濯賦別更十稔饑驅轉征旆浩

歌冷窮塗華髮愁旅態江上閱除書夙期寧自快

蒼生起巖阿紫氣分海岱公爲相國益都公推轂詔起田間

唐虞時奮庸岳牧在疇咨得俊民震動通闕闥重

喜步朝端鞠躬思匪懈危言悚孤立正色追前輩

屢歷皆要津清風久益勵主恩孚輿情宸極

撼鼎鼐比復來溫綸旁求及寡昧天閭迴難呼閣

道慚逐隊伏處念承顏盤餐多麤糲家貧恒不充

乞米負且戴况乃滯行役維萱違樹背悠悠忘啣

指孰與救衰憊公有人倫責絕裾亮所誠願歸竊

餘光明發自淑艾

贈家學士公初度

春來躑躅長安道秣馬漸看風日好棣萼輝輝學

士宅彤弓盧矢懸門早初隨仙仗飛綵雲一奏夾

鐘掇瑤草時先一日起蟄食客滿堂半傾蓋安居高步舒

懷抱競言維嶽乃生申皇攬闕逢孟陬辰東序騰

光接琬琰九衢掣電驚麒麟論思已與泰階會意

氣長噓幽谷春天祿石渠久自啓闕宮清廟還其
醇黃扉機務兼親領副相古之門下省受事獨先
百執勞蒙恩那許同遊並嘉謨入告藏密勿正色
格君在俄頃內直多時解繁霜溫綸到處延霽
景宣徽泚筆霄漢通夙昔詞名達禁中地負海涵
若列掌含宮吐角何其雄連年戎馬雖未息近者
櫬槍亦潛融坐倚三微發淑管熙然萬象開鴻蒙
朝迴宴豆每時設况復躋觥盡賢哲拂面全祛紫
陌塵褰簾快擁芳朝雪端宜乘輿對揮灑更喜披
襟同皎潔寥落郢人和最稀激揚縞帶情偏切好
音西注涇渭間遊子轉蓬出秦關徒步盍簪得邂
逅倒衣夙駕相追攀虞廷不聞巢由仕漢主仍遣
鹿綺還豈但在原有至性常緣明發增愁顏大臣
體國心良苦天下託之如肺腑須使玉燭明四極
肯教白華缺千古如山如阜迴難儔吸露餐霞何
足數幸際明良孚帝眷賡歌曠代繼吾祖謂始祖
臯陶公
二月四日雪後王侍讀阮亭招同諸子集飲
屬賦古體五章卽景拈積素廣庭閒之句
爲韻

朝陽浮遠林倦鳥亦舒翮乘興驅駑馬出門有所

受補堂詩卷三
適美人忝夙愛天路揚金石三載一攜手坐愁懷
抱積

惠風展淑景餘雪明高樹春草忽佳色已聞農事
布開罇相與傾不覺至日暮情款無不伸永期託
君素

屬杯三五子咳唾接餘響令德通羣心陽和值道
長策名戀清時游子迷攸往潛見任爾分始知天
宇廣

古人重知音絃發嘗獨停願作雙黃鵠齊飛奮青
冥拳拳雲際月始見臨疎星良夜吐高吟衆芳畢

前庭

翔鴻輕飛雲臥鹿樂故山受性各有宜佳期難屢
攀醉人遺萬慮常得好容顏歡笑益努力莫令罇
中間

石樓納小星却赴名人都索詠卽贈

雙星邂逅雀橋初忽感新泥下玉除戶外驪駒鳴
自好庭前翠鳥意何如從辭膏沐飛蓬甚卽採芝
蘭入抱疎回首故園春漸逼日隨慈母結蠶書

答雷田兄過訪不值見貽之作用來韻二首

偶傍烟光出驚看節候新褰裳憑野興倒屣失佳

長尚覺青蓮冷空愁紫陌春
松窓頻掃榻肯復過
征輪

忽枉迴車賦情深采菽年
邗容方鹿綺惟是戀林
泉旅夢疎鐘入歸心
落照懸病來詩總廢
酬對一
悠然

贈施尚白觀察

華髮銷壯夫竄身弄柔翰
愾然念黃虞終古寧再
旦南雅揚其光質文道
互贊朱絃有遺聲太廟兼
唱歎傷彼谷風操坐愁
王迹渙詩亾亂臣出絕筆
諸史冠騷詠沿餘緒厥辭
亦稍曼兩京休明時誰

據作者案瑤瑟罷清商
土罇羞玉瓚嗚呼黃初來
藻績日益燦臨壑端羣趨
審音寡俗玩生當李杜
後頗幸源流判抗志追先
民力微忽自憚莫窮虞
淵涯徒敝夸父斫高樹響
偏悲水深波易悍宣城
至性人託賦懷多難體實
具興比言能上悽惋方
諸三百篇發憤乃同貫憶
昔武陵翁

謂顧亭
林先生

迴車

西涉漢荒山洽幽襟掃榻
畱櫛盥抵掌天下士於
公夙心衍十年爭隻字來
往札頻換感此希世情
將圖一假館迢遙孤岫雲
不及大江岸盛代方右
文盈廷美輪奐猶須亟訪
落側席殷宵旰公等皆

大材義宜備楨幹奈何爲巨室旁採到樗散賤子
嗟伶俜行吟老澤畔虛蒙薄遊名鄙事何足算少
作晚知悔思之中夜亂人生非金石百歲已過半
忍復舍慈親長征違里閭覲顏從鵠行忘已是鶴
鶴斯役曠無期旅炊烟數斷來驚曉霜月臥覺春
冰泮惟喜邁良友造尋酣日晏幾回布褐客相對
簪纓粲君學如滄海博收取寸瀾持茲佐賡歌立
睹宸極煥

湯使君荆峴先生家食有年名所居曰潛菴
應 詔北上命予爲詩紀之賦古體四百

字

河圖不復出日月中相嬾雒水揚清輝斯文庶一
變使君生是邦擣藻冠羣彥束髮步石渠時榮非
所戀西持上游節再控虔南傳所至遺甘棠秦吳
共茂舊抗懷本自超流坎得幾先薄俗驚紛華高
人情乃見拂衣驚壯齒垂橐去江甸觀者攀其車
涕洟橫被面鳴鑣迅不停父老悲還羨逝矣疎太
傅修途竟同踐歸來臥嵩陽茹藿充席饌構屋僅
三楹藏書踰萬卷旣無竹樹饒何必亭沼便幽景
滿長林素風恒獨薦脩脩鹿綺儔託興千載擅濁

酒足晨夕羲皇生顧盼菴居亦有名取義卑爲絢

龍德還溯初退耕豈云倦東吳披裘翁謂顧亭足

跡天下徧掉臂凌遠臯惟公接遊燕自公解綬歸

時序疾於箭過眼二十春藏身經術穿客星照薊

野詞筆叢佳選未契推所親予因亭林得交於公嚶鳴洽狂

狷蕭條陋巷中屏跡開士院門少軒帷塵座多布

褐賤秋飈吹我馬旅食對霜霰忽復綠草生徐聞

新鶯嘒年華如流水撫事悲逐電故國未息兵窮

荒猶酣戰有才羨伊呂雄畧工組練遑賦紫芝曲

請揮白羽扇鄙夫舍老母行役辭鄉縣詎得玷後

塵誰爲供朝膳蓮峰吐瑤葉時王無異作潛菴記意亦兼潛

見虛谷趨羣壑采葑及俚嘜拔毫會子心匪石何

可轉倘肯念遊子關河蒙夙眷

贈房樞部慎菴

棲遲輦路百花明畫省論才得漢京客到隨時開

臘蟻朝迴有興託秋杵紫芝偏惜東園賦黃石兼

推北府兵更喜芳晨饒酒力風堤醉數上林鶯

寶坻相公見貽詩幣敬賦長律奉答兼書感

懷

北極三台正中書八座專明公依帝里宿望領朝

賢鼎鉉今逾肅旂常昔並鑄舊京推世系

公系出城南

前史壓長編相業清門秉詞華哲匠延崇期兼此
日信美軼當年碣石滄溟會金臺丽景連地形遙
控趙山勢各趨燕顙俊遑他及生材豈偶然斗杓
騰自上川嶽鬱相宣左氏耽同癖瀛洲早近僊國
風存大雅儒術藹孤騫歷敘勲庸著深資啟沃先
格心端密勿凝績陋言詮屢長尚書省旋提主爵
權人倫研曉鏡士論洽荒躔止水澄俱入寒輝照
不偏古藤看忽好羣卉到今妍構厦需喬木爲梁
涉巨川白麻都邑慶丹仗里閭傳鶴唳原通野龍

光總翊乾遐陬紛感激庶品切陶甄直道平如砥
嘉謨秘拂箋主恩孚納陛戎事炳籌邊漸睹櫬槍
却徐聞雉堞捐揚旗新下楚飲馬待臨滇送喜喧
飛騎寬輪罷接舷廟堂無失策帷幄似流泉合殿
陰常徒層霄漏已遷禁中畱借箸江外競投鞭醉
瀉銀罍驟行隨玉案蓮右文彰睿藻溫詔起幽荃
郡縣嚴催駕關河迫逐鳶忍悲辭老母迷路仰高
天抗表情徒急瞻雲眼欲穿窮途甘伏枕索處類
逃禪溺物多時誤修名壯志愆風迴愁落拓晝永
涕潺湲那意調羹邸還勞采菽篇雄吟開旅興東

帛耀僧塵跪把黃鐘作驚揮綠綺絃逸思憑颯爽
真氣浩纏綿郢雪誰容和春陽莫舍旃掃門慚未
敢懷橘恨空牽載悚傾筐亟虛疑報玖懸山桑招
我素裋褐對增虔久客堅冰解頻嗟皓月圓親衰
寧暖席力薄但歸田頓畧雲泥分私矜縞紵緣南
陔終許補獨荷相君憐

贈陳大其年

老眼花驚放離津柳暗催春風吹薊館野客臥燕
臺縞紵論交日江山作賦才歸耕安薄分待子奮
龍媒

賦贈葉學士訥菴

鸞鳳來青霄羽儀照萬日出爲帝者瑞鳴則蒼生
福學士懋潛修琳瑯方韞匱乘時奮德音獨立清
邦族射策甫弱冠援毫登天祿十年在冰署安臥
無所欲豈乏要路津高才互追逐致身有大義斯
事盟幽獨往見剖符及脂車甘屏足榆枋爾亦飛
莫訝鷗鷺伏緩步從朝謁雍容美佩玉儼居固市
塵而不撓塵俗夕月寒侵惟朝陽引晒腹遺經窮
其源古道取自淑用拙見本性嘉謨皆前蓄終能
結深知特簡親啓沃桂杜託根潔丹青資化速

升沈各循分志士寧待卜詰旦開講筵先期凜齋
宿羣書盡淹貫默誦猶秉燭東帶趨闔闔鐘嚴日
未旭斗杓垂紫禁貔虎夾黃屋黼辰繞佳氣臨軒
色穆穆簪裳儼在列戟陛森相屬公起徐抗聲格
心若懸鵠典墳昭往鑒詞指必三復上感宵旰殷
下憂佳兵黷徵輸困吾民罕譬當痛哭振旅追唐
虞寬租務殖穀九重爲動容僚采悚旁矚俄頃
奉溫綸對揚乃厚勗天門敞九達洞達捐戾觸新
命恒逾次長曹統史局惠疇孚素履風尚一還樸
比歲慎此選將因司鈞軸詢謀亮已合宅揆瞻推

轂遐矣長嘯翁採苓故山麓寄書抵都亭封識詳

且覆珍重拜發緘曠然絕寒燠幽情會滄洲寓意

於草木前一友以空函寄公發之惟當歸二枝昔者巢許輩徜徉入

箕谷未聞呼稷契招隱以初服投契那可料擇言

思忠告幾回向賓客披豁心愈肅賤子適預座聞

之增慚踏當年逢訪落被詔至樵牧少壯多夸

辭諸公或謬錄虛名玷薦賢屢檄蒙敦促扶病哀

臺司跼陳許削牘睿懷自崇廣銜恤空躑躅宛

轉策引邁羸糧傾儲粟刻歸欺老親行役浩川陸

秋半苦霖雨旅衣時就曝倏驚澤水堅翻耐春枝

受祺堂詩卷三
三
綠叨恃下交誼願抒襟抱曲聖王體庶物陟屺爲
頻頰喉舌賴良弼細微原並育一夫苟失所如已
推溝瀆公肯賡飛鷗籲恩縱野鹿泰山仰止同遙
庇孤生竹

受祺堂詩卷之二十一

中南山人荆東李因篤子德著

投贈大司農王立梁公十首

主極殷宵旰司徒總度支艱難同濟物鎮靜獨匡
時歲舍青陽轉春農碧露滋願聞華黍賦歸勞采
薇師

剔歷瞻三省安危繫兩朝普天烽戍急連歲輓輸
遙禹賦貞如故唐風儉自饒前衢欣擊壤玉燭泰

階調

禹貢厥賦貞注
賦以薄爲正

冀北清邦族燕南敘世家地連畿樹迴天抱嶽雲

受禮堂詩卷三
一
賒庇國噓芳霽籌邊展暮霞扶陽還近闕作述正

無涯

韋賢相漢封扶陽地在京東

禁掖久逾恭班聯衆所宗壇高三禮會令肅五兵

從致主兼臯契論才想燧農殊勲誰並紀合勒太

常鐘

公嘗歷司馬司寇宗伯

漢詔臨南粵蠻封啓尉佗滇閩仍躍馬嶺海未揚

波翡翠辭裝易珊瑚入貢多翻疑延上客不及徒

薪何

前移諸藩公至粵平南奉詔

水旱頻嗟及干戈鬱未開猶寬平準議不託計然

才布穀春聲好勾芒霽色來省耕應有事王澤渙

風雷

白日悲戎馬蒼天養寇讐幾時幽雅作相望甫田

秋吉日聞邦教和烟岩物愁東郊將舉耒臥鼓議

懷柔

憶昨金臺路初通紫陌津倒衣忘短褐連榻對叢

筠大漠驚秋早高欄受月新鹽車蒙一顧觸序惜

征塵

執徐秋日始謁公

當代論文獻惟公是老成版圖收故府鹽鐵用諸

生世倚蕭劉業人傳屈宋名曙星寥落甚依斗更

含情

曳履星辰切書思密勿同倣虞先五典維漢領三公
公谷轉常山大瀾迴碣石雄有儒違諗母徒步日
華東

花朝大司馬宋公蓼天招集海棠禪院賦詩

五章紀之

芳郊載淑氣白日滌繁陰久客值辰良輕風吹我
襟纖埃遠覺地綺色明長林一徑窅然入開花相
與深翩翩下黃鳥藹藹聞好音有約並延佇褰裳
從所欽

上公布令問簪鳥鳴謙告樹此人倫望怡然衆志
一春朝左序暇况邁休明日肯念行役子臨餐不
遑畢軒車過相存被褐安汝質所願叶嘉修何論
膠與漆

薊門天易風車馬競花時請謝陌上客悠悠安足
期自公發鳳管羣卉敷其私是日塵沙靜微蒙翠
露滋齊心要一盼努力見榮枝遂使凝寒萼沈吟
不得辭

紛紛四國士旅次淹冬春采菽半不飽敝裘如懸
鶉悠哉鄴下讌緬仰西園賓盛事起千載心期同
一伸金臺瞻故趾碣石洞前津託契於傾蓋風流

可具陳

盈盈三月棠灼灼十洲藥天女空際來雨華忽紛
委春杯寫其深赤舄相漾美四座莫不歡高言無
窮已於中向隅人獨有陟屺子矯首望餘輝從公
增徙倚

送翁武原郡丞之黃州任

使君客長安

謂尊夫人
西安郡丞

賓至盈邸舍濁酒互招尋

新詩同披瀉是時摧棧閣流羽照玄灞貔虎塞林
端輓輸窮石罅關門據上游孔道當二華仗節須
俊才戎車乃西迓尊大人自隴
州擢郡丞一從祖別筵炎景

懸初夏頻落渭橋霜尚遲函谷駕朶雲非不來雙

鯉亦麤謝無復浩歌情緬懷雄飲夜趨庭聞綵衣

美玉且待價乘輿攬荒陬夙期徒嗟咤

前武原過
敝邑見訪

以山居
失晤

逡巡逢都亭五馬已錦帕迢遞太守帷遂

居京兆亞齊安古名郡赤壁江漸下其俗富詩書

力強兼騎射沔湖阻風濤荆益還陵跨用意撫子

遺維良宣元化楚中憶舊遊東望臨崇榭更折新

柳枝天邊送黃霸

益都馮相國萬柳堂五首

黃閣名園白日開夾城雲樹接蓬萊長林野興當

軒盡上苑春風拂地迴縷引遊魚潛自出陰垂宿
鷺偶無猜扶持大厦需梁棟不遣關山笛裏催
細草平沙敞翠微春來風物正依依游絲直罨青
霄入接葉渾同碧霧飛天畔榮條先賜暖日邊佳
蔭靜涵輝芳晨四望饒珠露萬樹金莖晝未晞
種柳幽期閣道南叢柯密榦鬱相參月來寒浸滄
漠水雲起光浮泰岱嵐散帙扶疎連畫榭傾杯淡
蕩曳澄潭猶宜淑管吹新綠鳳闕晴烟一色含
京華客食慣登臨徙倚芳郊興獨深築室不殊經
國計爲橋兼識濟川心長楊報賦存羈旅細柳籌
邊託禁林肯賜五株歸渭曲衡門長日戴清陰
地遠紅塵足抱關碧窓黃鳥醉開顏絕無胥吏相
勾領時任漁樵自往還枝好競分桃李秀色深長
帶薜蘿間皇猷黼黻須公切几杖承恩坐看山

贈別中翰九兄

風和喜接在原杯况對秦雲首共回日下花舒同
萼早天邊雁帶好音來爐煙久託絲綸地珮玉偏
明獻納才我自歸心縈渭曲春城夢裏嶽蓮開

檀池劉公崇祀

五色恩綸出帝京循陔告墓極哀榮早知坊表燕

山重爭式蒸嘗壁水清萬事光華畱肯構一身雲
漢託登瀛籌邊題柱瞻新緒渤海雄吟曠古情

同諸公宿銓部公署卽事限衣字

白頭愁別釣魚磯青綺慚臨畫省扉自曠南陔中
夜亟頻瞻北闕寸心違竹林觴客推山
藤署占星動少微曉雨聲連高閣漏君恩
萊衣

答丘太史季貞再用衣字韻

隨分鷗鳧性不違強同鷓鷯此飛飛翻因暮雨成
連榻忽接晨鐘憶拂衣杯瀉香醪賓座滿署懸冰

鏡吏人稀感君登陟貽新句猶恐懷歸不共歸

曹主事正子招集屬賦近體二首

病裏傷春時序催幽期強爲故人來裁隨弱縷聞
黃鳥已覺輕陰換綠苔嶽樹江雲遙入賦花牀竹
嶼對銜杯當筵袞袞多詞客授簡何如鄴下才

握別秋郊白露初三年曲徑榻重舒地過燕趙愁

論劍春隔谿山憶荷鋤正值良辰思苑結還詢夙

好涕漣如謂尊兄陸海述塗託跡渾無緒莫訝東

園策杖疎

送葉道子之臨清守備任

受神堂詩卷三
輕風初拂御堤烟列帳揚旗對別筵海甸欣逢持
節至關門省識棄繻年詩書致主推匡鼎謂尊兄學士公
帶舄臨戎得惠連鴻雁定聞垂隴賦時山東來嶽左旱
色正蒼然

孫母顧太夫人挽詩

太姒神明裔東吳種德門先朝推闕閱內則比蘭
孫作配名家早干歸冢婦尊蠶桑延夕課盥櫛引
朝暉緩步循陔肅柔聲繞膝溫事姑詳中禮娛老
曲無痕幸託車書舊欣瞻縞紵存是邦才並逸夫
子好彌敦盛接沿流艇馳來夙駕轅盍簪通里巷

傾蓋滿丘樊坐嘯情俱愜庖厨語未喧不須空髻

鬢相訝足盤飧競睹潛輝著周防暴霧渾端居消

橫逆遠害結深恩曩昔黃泉道飄搖白首魂謂潘夫人

之筵新思罔墜歲久慟猶吞孝已徽音集慈為弟

祿根承顏兼逮母博育自孚坤本茂饒垂蔭湍長

信有源奇應鍾海嶽美實報璵璠藉甚珠盈掌肩

隨綵漾軒哺摩關至教提抱寡違言避冠初辭邑

臨溪小築村時時親授史切切戒窺園竹屋栽容

杖茆欄迴戴盆何曾虛絳席究必展清罇漸覺從

游廣頻持過飲繁歐書嚴隙駟孟宅徙鄰猿裛露

晨葩潔干霄玉樹蕃一經方互剖三鳳各高鶩肯

室看宜棟忘憂解慰萱罄歡榮鼎食迎養式熊幡

憶遘霜帷慘謂贈公之變驚懸粉旒昏銜哀馨秬鬯逐

序饗烝豚隴舍仍嘗歷枌楸盡所捫貞珉占野豎

石馬帶風蹲聖善要難企劬勞莫具論勁

羽巨渤起藏鯤屢冠江都對同排漢閣閣詞科咸

獨立彩筆繼諸孫絕徼烽還舉巖疆角正煩廟謨

啟啓睿輿望待調元忽罹終天戚遙聞併日奔危

趨詢戎鼓到及薦春繁往庇浮雲住叨依霽景暄

和遂谷義問洽中原地濶湖濤渺躔垂發宿

翻誰能忘仰桂况復感吹埴謂亭林先生葛藟追前列

螽斯裕後昆大招如可賦靈馭逼崑崙

送孫維周之官永和

少年結客長安道冠蓋如雲時序好啼鳩一鳴芳

樹歇五陵佳興跡如掃豈無邂逅稱新知朝雨暮

霞難自保衰晚得君一把臂幾回秦漢同幽討曲

江花發故園春何必今人遜古人肥馬輕裘拚借

客放歌痛飲不辭貧倨箕已耐侯生老疎脫猶憐

阮藉真逆旅班荆能數至高齋下榻必淹旬傾筐

倒皮情非一百慮瑣屑事事悉肝膈歲寒比松柏

與人相固無膠漆解驟長任呼中宵挂劍還聞矢
白日意氣所向俱傾耳羣豪當之每自失黃金何
物足重輕壯士咄嗟悲無成前著仍卹薄游困入
門忽來交謫聲一官蕭條詎得已三載旅食畱神
京賓戚過從復滿座濁醪傾瀉連軒楹我聞爲善
荷天祿君獨剖符在窮谷地僻轉宜開嘯詠民勞
自可廢鞭朴隰山遙並太岳雄汾水直流洪河澳
西望好音咫尺是綵服雖隔傳魚速御溝溝水東
西流蹀躞春風不暫休香陌遺跡異顯晦得時不
皆山人謀丈夫立志度其分悲歎那分沈與浮游

夏之賢多出宰屹然名譽垂千秋多君磊落饒雅
度努力乘時建功祚書帛銘鐘有何常負才但患
年歲暮人生談笑取卿相百世寧如德業布叢爾
亦是民社封飛鳧馴雉晉陽路憐予京雒尚棲遲
忍舍老親忽若遺遠道未通嚙指痛高年誰掖扶
牀衰浪遊秋衣春衣綻長臥十日九日饑已料菊
裕荒別墅徒令猿鶴悵前期春城三月花吐萼柳
色青青帶南郭朝起送君過石橋欲賒杯酒悲垂
橐祖筵相視衆賓醉芳節坐愁懷抱惡早晚蒙恩
放還山歸途就汝鳴琴閣

又代

一別長安歲序深雙鳧天畔送佳音時清好種陶
公秫地僻須鳴宓子琴忽聽歌驪催去路遙看祖
帳滿平林定懷夙好憐歸客花署風流許過尋

呈王詹事吳廬時令子新成進士二首

憶採蘭苕江漢東心期夙寄五雲中初來天祿瞻

家令到處都人誦國風

先生典試直隸

清珮曉隨仙仗切

紫宸春轉泰階同會聞太乙畱青杖自可優游譜
華嵩

京雒飄蓬少定居忽煩軒蓋下樵漁幽尋已許呼

銀燭祕賜還驚對石渠北斗簪纓推曠代南宮羔
鴈競充間龍門虎觀饒佳緒注日趨庭肯構初

喜趙元深成進士

冥鴻載識孝廉銘老燕孤棲苦竹亭豈僅逢年推
健筆還聞績學報遺經承顏遂着宮衣綵遶膝猶
憐玉樹青早晚明光看漢詔天門何策慰流萍

又代

藉甚才名久揚鑣入禁闈曲江花正發阿閣燕頻
飛制策傳韋業宮袍漾孟機看君酬綵筆河岳有
光輝

張儀部民部祖孫崇祀應選即淮山公命爲

二詩

淮海風流想玉珂向題漢柱首清河不因列署聞
三禮爭得籌農備四科世異還高青嶂月時平互
薦白蘋波竭來天地餘憑弔遙對江山感興多
籩豆清光几席生接塵懷古思沾纓升堂述聖原
同武主鬯聞孫亦在楹春殿闕宮三代具暮雲芳
草百年情卽今應詔趨閭闔山宰曾傳啓事名

贈劉戶部介菴二首

中壘詞名奕葉聞出居卽署託清芬含香不遠金

閨月執戟長連玉殿雲西望關河凝落靄北來車
馬慰離羣正須前箸資騰飽湖上猶懸六詔軍
渭水簪裳首重回班荆旅食一論才佳期坐負枌
榆社逸興翻同苑雒杯風定薊丘花漸發地偏河
朔燕遲來他鄉客裏憐高會絳燭初筵已屢催

羅揚庭先生崇祀令孫侍御君徵詩却贈二

首

遺逸聞聲江水濱白華空老杖藜身物情久屬謳
談起邦教難違俎豆新玉瑟珠琴長在廟牽牲採
藻亦同春鳳凰臺畔看明月牛首鍾山隔代人

臺柏溪松一氣清
競聞封事憶傳經
雲車風馬高人色
璧水宮牆處士星
四國好音叢縞紵
三吳潛德慰榛苓
棲遲受簡慙爲賦
敢擬中郎有道銘

送金觀察式菴齋捧還武威二首

西望河源古戍深
五涼耕作到於今
塞帷持節懷多難
列俎臨戎並好音
春暖塞花爭自發
月明羌笛不相侵
比來猶遜征南羽
輪輓應懸入奏心
旅食長安八月餘
風塵顛顛少寧居
採蘭那許違幽谷
種柳還期返敝廬
共醉春城公讌酒
將旋暑雨外臺車
使君鳴珮辭深殿
肯賦慈烏一起子

送謚生孫世兄之任新田

秋郊一別雁門霜
忽見雙鳧起帝鄉
塞徼兵連須茂宰
江湖地遠只輕裝
歸心正對萱華劇
別思還牽柳絮長
却憶尚書曾作令

謂尊大人忠烈公夫子

家聲拭

目待循良

題江青園廬墓圖

七十之翁孺慕稀
麻衣拄涕作斑衣
枵問駟兔爰爰出
隴上慈烏故故飛
遶墓忍令睽杖屨
循陔長似對庭闈
丹青他日開生面
獨立寒雲望落暉

卽事柬張振六員外

才名藉甚屬車閒畫省移來扈從班爲賦久於何
遜並結廬原在杜陵間時揮玉麈聞高論數設冰
漿浣醉顏強擬追隨慚短髮仙曹詞筆迴誰攀

贈張鳳舉公子

清河兄弟玉森森更得慈明託素心國有河山盟
帶礪人從霄漢識冠簪琴書轉對風期靜辟荔還
隨坐嘯深抗館幾回忘永日同苔應許賦前岑

題萬肅菴觀察小像

有美三川俊詞名兩漢流身常依北闕績屢冠南
州每訝林栖早應耽野興幽蒼生方待澤佇見璽

書求

又代

江關一別幾經年別後棠花晚更妍帝里披圖重
藉草猶鳴玉佩出朝天

首夏承沈詹事招集出所藏 宸翰屬賦兼

申夙懷七言排體十二韻

鳴珂曉散 紫宸東折簡幽期縞帶同座密先知
京雒暑簷高微受掖門風忽開筐篋臨 皇篆恭
賸圖書沃 聖聰真氣浹時驚戶牖片言千古剖
鴻蒙海山齊拱 天威近龍虎欣瞻 御筆雄繞

屋雲霞徵 主眷方暄冰雪照臣衷從聞騰達先
趨陛小有浮沈屢轉蓬碩德端宜歸秘禁元僚久
復冠 青宮要衢簪蓋羣賢至清晝陰垂委巷通
回首關疆懷夙霽五年夏日公來青門接塵河朔倚芳叢腐
儒呼闕重闈外慈母違顏萬里中講席從容歌既
醉須論教孝卽移忠

送宗姪之任澧州

他鄉送客每悽然况與吾宗對別筵佐郡江湖連
險要之官戎馬急材賢酒分蒲節離杯數帷照櫂
花去路塞每憶澧陵曾命棹須憑尺鯉慰懸懸

張廷尉幼南省觀畢迎娶還朝詩以紀之四

首

雪樹離離數去程榴花灼灼艷歸旌喜聞堂上加
餐信徐聽閨中佩玉聲鼓入西陲朱鷺蕭車旋北
闕綵雲輕衝寒觸暑渾忘苦報主寧親萬里情
照乘歡持掌上珠戴星嚴限且踟躕塞垣新睹王
臣貴鄉曲爭傳盛禮殊趨事偏裨俱大帥述婚詞
賦有名儒衮衣斑綵相看出仙仗戎牙亦並須
寧朔將軍武庫才館甥新第夾雲開牽絲幕府喧
鐘鼓烈炬河洲照草萊玉白何煩仙媪待銀槎直

摘女星迴清卿弱冠兼能賦攬鏡看花莫遽催尉廷

外舅為寧夏提督趙將軍擊之

列仗鳴騶歸路勞新妝靚服漾宮袍健兒亦解供
談塵侍女皆能拂佩刀百兩盈門煙月麗三星向
夕鳶蘿高畫眉如問張京兆應許恩輝徧彩毫

又代

綵服聞君張掖迴藍橋却問朔方來貪趨鳳闕炎
飈劇曲遶龍沙錦幕開連報遐方清鼓角竚瞻臺
閣奮風雷還朝定憶承邊事仗鉞應推濟世才
侍御侯蓮嶽先生挽詩卽慰中翰君少文讀

禮

詞臣更着惠文冠

侍御以庶常散館

綵筆霜生玉陛寒自

賦幽棲辭

聖主遙驚法宿動長安高吟未改燃

藜閣晚計兼工蒔藥欄萬里悲風吹薤露清輝直

溯五雲端

送馬吏部右實分巡肅州

玉門關直酒泉西持節繇來入鼓鼙典敘十年推
藻鑑懷柔萬里寄烝黎蒲觴恰傍岐亭舉杏酪還
分左掖攜客裏送君難遽別故園回首暮雲迷

丹壑太史初度

太史為學士公子

丹雘初起泰階平健翮摩霄得鳳鳴鄧禹冊勲年
有待桓麟酬客賦先成娛親綵着新題錦報主冠
彈舊賜纓謝樹庭階慚倚玉綺筵徐奏紫雲笙

紫瀾太史弟初度

太史籍
德州

金門仙仗鬱重重皓首天親邁所宗直向滄溟詢
隴水何疑泰岱有秦裕屏臨蕙榭珊瑚碧酒漾榴
軒琥珀濃此度初分維嶽賦百年公讌不辭從

送侯繹來還解池

旅食長安歲月移論文傾蓋重新知輕風有意吹
葭葦溽暑同憐待簟帷愁望河橋催馬暮媿攀楊

柳度杯遲解梁雲樹秦關接回首吾廬咫尺疑

方渭仁重葺健裕齋屬賦

南極仙人海鶴姿種松親構紫虬枝炎天暑却風
來後靜夜香生月上時滿眼兵戈長好在沾襟杖
屨獨安之憑君鄉土詢遺蹟可有嚴陵舊釣絲

陳情後投上家高陽相國

聖代垂裳日宗臣秉軸年安危殷獨倚作述儼相
官國體光凝命家聲協象賢

謂先
相國

先公堂載闢舊

德史爭傳我李貽謨大生民肇祀虔仙源遙溯隴
望族久推燕履傍星辰切膏蒙雨露偏沛豐原近

漢韋杜並依天奮翮卽山迴濡毫易水妍雅音兼
岩激經術飽騰穿制策畱深殿圖書賜祕篇然藜
堪炳閣發篋似流泉屢冠清班采平登上相躔黑
頭人競識黃髮卷彌堅正色羣僚右和衷獨座邊
雍容瞻物表敏捷洞幾先左序鐘初徹東方旭未
延極宸森列仗闐闐靜鳴鞭特詔趨承謹當時應
對專至尊頻造膝長日數移塵漸睹皇威霽難聞
密語懸輸誠通肺腑布澤滿陬垠往聚黔池甲俄
高楚塞煙飛輪連棧騎剗障截江船駭落狂濤莽
歡來急羽駢奔猿寧假木涸鮒已盈筌勝算揮師

次英謀授廟壘那須名出已真少議隨肩惠洽雕
題外功論汗馬前珥貂開七葉端珮領三蟬粵徼
遲溼壘溟陰且控弦敢求湯沐遐遑恤鬢絲鮮託
契孚魚水賡歌靖鎧鋌剛逢戎事肅早覺聘車聯
小子何能賦愁吟亦可憐總知窮白悔奚補壯多
愆夙譽饒虛竊僉詢歛謬然苦辭明發駕終挾遠
遊氈勢迫違慈母途岐戀別筵雪霜身契濶河海
淚潺湲卸橐秋將暮居亭地屢遷炎暉行處猛夕
月幾回圓抱病仍趨闕臨軒勉受箋濫分倉庾米
叨給度支錢睿藻雖同及溫綸乃下詮爰忘蓬戶

陋竟備石渠員乞養要無已孤恩信有焉迴頭雙
華阻舉目五雲連所恃縈瓜瓞還勞芑葛縣恭期
致堯舜錫類許矜全

題楓江漁父圖爲吳江徐電發太史

樵夫忽踏薊門塵漁父相逢太液濱一帙雲霞隨
小像五湖烟雨隔比鄰暮山麋鹿徒空到春水魚
龍豈易馴醉裏披圖高興發傾杯欲贈負肩薪

贈韓燦之

浮雲渺渺日邊來隴樹臨風並朔河藉草脚躡鄉
里社披襟欵曲帝京杯翱翔敢失慈烏義邂逅爲
憐老驥才尚候君恩難屢出躋觴咫尺限蓬萊

又代

行藏暫倚五雲中喜有蒹葭夙好同附驥江湖思
仲氏班荆羈旅對羣公朋籬炎景頻懸榻客路秋
飈待轉蓬肯瀉新醅忘潦倒當筵兼得賦維嵩

曹孺人挽詩爲尤太史展成賦二首

太史徵車萬里來援琴中斷不勝哀愁聞入舍啼
鵲劇屢乞還鄉畫鷁催玉佩淒迷無夢到羅幃舒
卷有人開寧知出處渾難卜別酒翻同永訣杯
椎布蕭然鮑孟門鹿車曾荷五雲恩凌風羽翮爭

瞻子遶膝芝蘭已抱孫岐路且沾離席淚異香翻
隔故園魂多情荀粲應千古薄俗悠悠莫具論

酬大文公見贈

天潢降嶽走羣真畢名盈朝皆懿親不以宗盟先
同姓承家奕葉有世臣殊勲爛然藏冊府綵筆飄
忽照青春伏處那須問貴賤人生失意多愁辛漢
興百年俗淳樸中壘之學開帝族龍種何當墮地
行虎頭自可飛食肉况知託契盡賢俊時復怡情
對裕菊酒後耳熱歛長吟憂從中來如轉轂憐予
尚淹京雒中抗表頻步日華東萬里重閭甫能叩

三旬九食悲屢空高眠未許通諸貴夙駕翻驚過
上公勉激孱軀起報謁冲襟靜氣相昭融醴筵俄
頃庶饑備慷慨具瞻廊廟器一自軍興迫遠輸司
農仰屋無遺利雜耕誰創久戎策堅壁亟需屯田
議前有襄陽後龍江古人多用行師地炎暉西傾
坐不辭詰旦使至貽新詩泛愛已蒙國士遇空談
奚補艱難時老鳥忍饑况待哺歸鳥舒翼將焉之
梁棟要宜芘大厦願公有保天人姿

田司李雪厓致政村居里社裴省郎晉裔房
樞部慎菴倡同人製清防介其初度命予

爲長歌

節推名滿金陵郡乘興拂衣還綠鬢高臥不復來
城市十年村居學益進出門嘗自駕牛車觀者那
知曾佩印樵牧過之無所忤斥雲谿樹笑相問有
田種秫盈舊廬仍典青苗貫香醞聯榻傾杯多夙
好采苓列組盡雄俊俸錢當日喜購書緡帙到今
猶充初朝起手披萬卷豁醉中長歎林谷振抗懷
直接葛天徒託迹轉於彭澤近告以時榮便塞耳
悠然在野成嘉遯燕臺有客貧且愚舍母遠遊背
遺訓傾蓋兩賢皆梓里與君投契自韶齒並憐薄
宦雪霜清真許夙期金石信天路總教攜手杳故
園應憶六翮奮爲逢嘉序屆懸弧春水桃花傳逸
韻不必彈冠佳事及深知閉戶晚節俊男兒業已
起策名致主要當入堯舜否則退耕早亦得陽陵
鄭谷同無悶齊心含意謀行藏道合途岐絕悔吝
燒燭爲君竟斯曲德音迢遞難具論

裴晉齋初度卽事

鳧舄欣瞻茂宰勞雉車猶望掖垣高艱難食祿才
仍健質劑畱賓興自豪委佩香生秦社酒雕盤冰
貯漢宮桃數公清切皆能賦朱夏兼聞白雪操

又代

薰風拂拂綺筵開
即署星高一論才
晉國殊勳淮水最
藍橋仙仗玉京來
紫雲忽漾珊瑚座
青鳥還明琥珀杯
正綺絲毫輝漢柱
佇聞綸綍下蓬萊

詩

國

